

AIARAKO UDALAK 2022ko APIRILAREN 25ean EGINIKO OHIKO OSOKO BILKURAKO AKTA

PRESIDENTEA

Gentza Alamillo Udaeta jauna

ZINEGOTZIAK

Iñigo Pinedo Vadillo jauna

Montse Angulo Solloa andrea

jauna José Antonio Bartolomé Pesquera

Susana Martín Benavides andrea

Itxaso Gorbeña Allende andrea

Unai Campo Arenaza andrea

Karmele Población Martínez andrea

Marian Mendiguren Mendibil andrea

Koldo Mendioroz Goldaraz jauna

Iratxe Parro Uzquiano andrea

Arespaldintzan, udaletxeko bilkuren aretoan, bi mila eta biko apirilaren hogeita bostean, hemeretziak direnean, Udalbatza Osoa bildu da telematikoki ohiko osoko bilkura egiteko. Gentza Alamillo Udaeta alkate jauna da burua eta albo batean adierazitako zinegotziak bertaratu dira, eta bilera deitu da Toki Araubidearen Oinarriak arautzen dituen apirilaren 2ko 7/85 Legearen 46 b) artikuluan xedatutako aurrerapenarekin. Naiara Lazpita Marcos andrea da idazkaria.

IDAZKARIA

Naiara Lazpita Marcos andrea

Alkate jaunak ongietorria egin die guztiei, eta, beste iruzkinik egin gabe, **GAI-ZERRENDAN** jasotako puntu hauek jorratzeari ekin diote:

1.- Onestea, bidezkoa bada, 2022ko martxoaren 17an eginiko ohiko osoko bilkurako akta

Iruzkinik egin gabe, akta udalbatzako kideen aho batez onetsi da.

2.- Onestea hutsik gera dadin prozedura irekiaren bidez presaz izapidetu den kontratazio-espedita “Luiaondoko La Torre kaleko 17. zenbakian dagoen erabilera anitzeko eraikina egokitzeko” obraren gauzatze-kontratua adjudikatze aldera

Udalbatzari puntu honen ganean 2022ko apirilaren 8an Hirigintza, Obrak, Zerbitzuak eta Ingurumen Informazio Batzordeak emandako aldeko irizpenaren berri eman zaio.

Gentza Alamillo Udaeta alkate jaunak (EAJ-PNV) hartu du hitza. Azaldutakoaren arabera, Aldundiari jakinarazi zaio lizitazioa hutsik gelditu dela, dirulaguntzaren dokumentazioa bidaltzeko epea luzatu dezan. Era berean, adierazi du proiektua idatzi zuen arkitektura-estudioarekin harremanetan jarri direla prezioak eguneratzeko aurrekontua bidali dezaten.

Ez da iruzkinik egin, gaia bozkatu da eta Udalbatzako kideek aho batez onetsi dute.

Hori dela bide, eta

IKUSI DA.- Udalak beharrezkotzat jotzen du kanpoko enpresa batekin kontratua sinatzea **LUIAONDON ERABILERA ANITZEKO ERAIKINA EGOKITZEKO OBRA** gauzatze aldera.



IKUSI DA.- Udalbatzak 2022ko martxoaren 17an erabaki zuen onestea **prozedura irekiaren bidez presaz izapide zedin** kontratazio-espeditentea “**Luiaondoko La Torre kaleko 17. zenbakian dagoen erabilera anitzeko eraikina egokitzeko**” obraren gauzatze-kontratua adjudikatze aldera.

IKUSI DA.- Lizitazioa Euskadiko Kontratazio Publikoaren Plataforman argitaratu zen eta eskaintzak aurkezteko epean (2022/03/31ko 14:00ak arte) ez zen eskaintzarik aurkeztu, plataforman bertan azaldutakoaren ildotik (espeditentean ageri da).

Aztertu da dokumentazioa, eta Sektore Publikoko Kontratuei buruzko azaroaren 8ko 9/2017 Legearen (2014ko otsailaren 26ko 2014/23/EB eta 2014/24/EB Europako Parlamentuaren eta Kontseiluaren zuzentzarauen transposizioa egiten du Espainiako antolamendu juridikora) bigarren xedapen gehigarrian xedatzen denarekin bat etorritz.

Udalbatza Osoak, aho batez, **ERABAKI DU:**

LEHENENGOA.- Hutsik uztea prozedura irekiaren bidez presaz izapidetu zen kontratazio-espeditentea “Luiaondoko La Torre kaleko 17. zenbakian dagoen erabilera anitzeko eraikina egokitzeko” obraren gauzatze-kontratua adjudikatze aldera, Sektore Publikoko Kontratuei buruzko azaroaren 8ko 9/2017 Legearen (2014ko otsailaren 26ko 2014/23/EB eta 2014/24/EB Europako Parlamentuaren eta Kontseiluaren zuzentzarauen transposiziokoa egiten du Espainiako antolamendu juridikora) 150.3. artikuluko 2. paragrafoan xedatzen denarekin bat etorritz.

BIGARRENA.- Erabakia kontratatzailearen profilean argitaratzea.

3.- Onestea, bidezkoa bada, kredituen judizioz kanpoko aitortzaren 1/2022 espeditentea

Udalbatzari puntu honen gainean 2022ko apirilaren 8an Kontuen Batzorde Bereziak eta Ogasuneko, Funtzio Publikoko eta Barne Araubideko Iraunkorrak emandako aldeko irizpenaren berri eman zaio.

Ez da iruzkinik egin, gaia bozkatu da eta Udalbatzako kideek aho batez onetsi dute.

Hori dela bide, eta

IKUSI DA.- Kredituen judizioz kanpoko aitortzaren 1/22 espeditentea.

IKUSI DA.- 2022ko apirilaren 5eko Idazkaritza Kontu-hartzaitzaren txostena.

KONTUAN HARTU DA.- 2022ko apirilaren 8an Kontuen Batzorde Bereziak eta Ogasuneko, Funtzio Publikoko eta Barne Araubideko Iraunkorrak emandako aldeko irizpena.

KONTUAN HARTU DA.- Tokiko Ogasunei buruzko Legearen testu bateginaren 176. artikulua eta Tokiko Ogasunak arautzen dituen 500/0990 Errege Dekretuaren 16. artikulua.



Udalbatza Osoak aho batez **ERABAKI DU**:

Lehenengoa.- Onestea kredituen judizioz kanpoko aitortzaren 1/2022 espedientea, ondoren aipatzen diren gastuen arabera, 2022az kanpo, aurreko ekitaldian hartutako betebeharra baita eta ordaindu behar baita, Udala bidegabe ez aberasteko.

- 11/2021 zenbakiko faktura, 2021/10/25ekoa, “UNAI URQUIJO ZURIMENDI”rena, 580,8 eurokoa (BEZa barne).

Bigarrena.- Kredituen aitortza 2022 ekitaldiko aurrekontu luzatuko 433.219000 zenbakiko partidari egozte.

4.- Onestea, bidezkoa bada, 2022 ekitaldirako udal-langileen eta alkatearen ordainsarien gehikuntza

Udalbatzari puntu honen gainean 2022ko apirilaren 8an Kontuen Informazio Batzordeak eta Ogasuneko, Funtzio Publikoko eta Barne Araubideko Iraunkorrek emandako aldeko irizpenaren berri eman zaio.

Ez da iruzkinik egin, gaia bozkatu da eta Udalbatzako kideek aho batez onetsi dute.

Hori dela bide, eta

KONTUAN HARTU DA.- 2021eko abenduaren 29an Estatuko Aldizkari Ofizialean 2022 urterako Estatuko Aurrekontu Orokorrei buruzko abenduaren 28ko 22/2021 Legea argitaratu da.

KONTUAN HARTU DA.- Legeak III. tituluko I. kapituluan sektore publikoaren zerbitzura aritzen diren langileen gastuak arautzen ditu eta, zehazki, 19. artikuluan 2022 ekitaldirako ordainsariak gehitzeari buruzko muga gaia lantzen du.

IKUSI DIRA.- 2022rako ordainsariak gehitzeari dagokionez, EUDELen gomendioak.

IKUSI DA.- 2022rako Estatuko Aurrekontu Orokorrei buruzko abenduaren 28ko 22/2021 Legearen 19.bi artikulua.

Udalbatza Osoak aho batez **ERABAKI DU**:

Lehenengoa.- % 2 gehitzea 2022ko urtarrilaren 1az gero 2022 ekitaldirako udal-langileen ordainsariak, 2021eko abenduaren 31ko indarrekoekin alderatuta.

Bigarrena.- Era berean, ehuneko berean gehitzea 2022 ekitaldirako Alkatezaren ordainsariak, 2021eko abenduaren 31ko indarrekoekin alderatuta.

Hirugarrena.- Aipatutako gehikuntzak aplikatzen diren zenbateko atzeratuak ordaintzea, jaso gabe baitaude.

Laugarrena.- Erabakiaren berri Udaleko sindikatuko ordezkariari, Kontu-hartzaitzari eta Diruzaintzari ematea.



5.- Onestea, bidezkoa bada, iruzurraren eta ustelkeriaren aurkako neurriei buruzko plana

Udalbatzari puntu honen gainean 2022ko apirilaren 8an Kontuen Informazio Batzordeak eta Ogasuneko, Funtzio Publikoko eta Barne Araubideko Iraunkorrek emandako aldeko irizpenaren berri eman zaio.

Ez da iruzkinik egin, gaia bozkatu da eta Udalbatzako kideek aho batez onetsi dute.

Hori dela bide, eta

IKUSI DA.- COVID-19ak sortutako pandemiaren ekonomia- eta gizarte-ondorioei aurre egiteko Suspertze, Eraldatze eta Erresilientzia Plana (SEEP). Horren bidez, Europako Kontseiluak salbuespenez behin-behineko suspertze-plana onetsi zuen eta “Next Generation UE” deritza.

IKUSI DA.- Administrazio publikoek neurri ugari hartu behar dituzte, besteak beste, kudeaketa-prozedurak eta kontrol-eredua egokitzea, Planak (SEEP) aurrez ikusten dituen proiektuak definitu, planifikatu, gauzatu, jarraitu eta kontrolatzeko kudeaketa-sistema konfiguratu eta garatzeaz gain.

GERTATU DA.- Horretarako, Aiarako Udalak iruzurraren eta ustelkeriaren politikarako plana aurkezten du, eta honako erakunde-adierazpen hauek erantsi dizkio: interes-gatazkei eta iruzurraren eta ustelkeriaren prebentzioari buruzko testa (II. eranskina) eta gatazka-interesik ez izateari buruzko adierazpenaren eredia (III. eranskina).

KONTUAN HARTU DA.- 2022ko apirilaren 8an Kontuen Batzorde Bereziak eta Ogasuneko, Funtzio Publikoko eta Barne Araubideko Iraunkorrek emandako aldeko irizpena.

Udalbatza Osoak aho batez **ERABAKI DU:**

LEHENENGOA.- Onestea iruzurraren eta ustelkeriaren politikarako plana, interes-gatazkei eta iruzurraren eta ustelkeriaren prebentzioari buruzko testa deritzan erakunde-adierazpena (II. eranskina) eta gatazka-interesik ez izateari buruzko adierazpenaren eredia (III. eranskina). Hitzez hitz hala diote:

IRUZURRAREN ETA USTELKERIAREN AURKAKO NEURRIEI BURUZKO PLANA Aiarako Udala

AURKIBIDEA

1. <u>Sarrera</u>	<u>2</u>
2. <u>Politikaren helburuak</u>	<u>2</u>
3. <u>Aplikazio-eremua</u>	<u>3</u>
4. <u>Iruzurraren aurkako plana</u>	<u>3</u>
4.1. <u>Arriskuaren ebaluazioa</u>	<u>4</u>
4.2. <u>Iruzurraren aurkako neurriak. Iruzurraren aurkako zikloa</u>	<u>5</u>
5. <u>Interes-gatazkako egoerak</u>	<u>8</u>



6.	<u>Beste funtzionario eta agintari publiko batzuekiko harremana</u>	11
7.	<u>Oparien eta antzekoen politika</u>	12
8.	<u>Gastuak</u>	12
9.	<u>Kontabilitate-erregistroak</u>	12
10.	<u>Estatu-laguntzak eta kolusio arriskua</u>	13
11.	<u>Iruzurra Kontrolatzeko Organoa</u>	13
12.	<u>Salaketak eta kontsultak</u>	15
13.	<u>Politika ez betetzea</u>	15
14.	<u>Ez betetzearen ikerketa</u>	15
15.	<u>Berrikustea eta eguneratzea</u>	17
16.	<u>Datu pertsonalen babesa</u>	17
17.	<u>Trebakuntza/formakuntza</u>	17
	I. ERANSKINA	18
	II. ERANSKINA	20
	III. ERANSKINA	22



1.- Sarrera

Iruzurra eta ustelkeria fenomeno sozial, politiko eta ekonomiko konplexuak dira, eta herrialde guztiei eragiten diete. Ustelkeriak erakunde demokratikoak ahultzen ditu, garapen ekonomikoaren erritmoa murizten du eta gobernuan egonkortasuna kaltetzen du.

Aiarako Udalak (aurrerantzean, “**Udala**”) konpromisoa hartzen du iruzur, ustelkeria edo eroskeria ekintzat har daitezkeen jokabideen aurrean tolerantziarik ez izateko, bai alderdi publikoari dagokionez, bai pribatuari dagokionez; eta bere gain hartzen du iruzurraren eta ustelkeriaren aurka modu guztietan borrokatzeko konpromisoa, estortsioa eta eroskeria barne, eta, xede horretarako, politika zehatzak garatzeko konpromisoa.

Udalak bere gain hartzen du ustelkeriaren eta iruzurraren aurkako erronkan aktiboki parte hartzeko erantzukizuna, bere jarduera-eremu guztietan. Eta iruzurrari eta ustelkeriari aurre egiteko konpromisoa hartzen du, Udala osatzen duten pertsona guztien jokabidea gidatu behar duten arauak, prozedurak eta printzipioak ezarriz. Horren ildotik, Udalak iruzurraren eta ustelkeriaren aurkako honako politika hau onartzen du (aurrerantzean, “**Politika**”), araugintzako erreferentzia nagusiei eta iruzurraren eta ustelkeriaren aurkako jardunbide onenei jarraikiz.

Iruzurra prebenitzeko Politika honetan aurreikusitako mekanismoek ezin dute, berez, Udalerako kaltegarria den egoerarik edo gertaerarik ez egotea guztiz bermatu. Haren eraginkortasuna haren gobernu-organoak zehazten duen tonu etiko edo moralaren arabera izango da, bai eta berorren betetze-kulturaren transmisio eraginkorraren arabera ere, Udalaren eta hura osatzen duten pertsonen azken interesa islatzen dutenak.

Politika honi I. eranskin gisa erantsiko zaio Udalak irailaren 29ko HFP/1030/2021 Aginduaren inguruan hartutako iruzurraren aurkako konpromiso instituzionala. Agindu horren bidez, Suspertze, Eraldatze eta Erresilientzia Plana (aurrerantzean, “**Agindua**”) kudeatzeko sistema eratu zen, eta konpromisoa hartu zen iruzurra, ustelkeria eta balizko interes-gatazken kudeaketa okerraren ondorioz sortutako ondorioak prebenitzeko neurriak ezartzeko.

2.- Politikaren helburuak

Iruzzurrari, eroskeriari, ustelkeriari eta interes-gatazkei aurre egiteko, beharrezkoa da Udalak neurrien plan bat izatea, bere helburuak argi dituen iruzurraren aurkako politika batetik abiatuta. Horren arabera, politika honen helburua da iruzurraren eta ustelkeriaren aurkako borrokarako jarraibideak definitzea, Udalak bere gain hartutako printzipio eta jokabideekin bat etorritik. Horiek Kode Etiko batean arautuko dira (aurrerantzean “Kode Etikoa”).

Politikaren helburua da Udalak iruzurrarekiko, ustelkeriarekiko, eroskeriarekiko eta interes-gatazkekiko tolerantziarik ez duela erakustea. Horretarako, hura goiz prebenitu, detektatu eta kudeatzeko prozedurak arautuko ditu, erabakiak hartzean benetako kultura etikoa sustatuz.

Politika horrek, era berean, Udaleko gobernu-organoaren konpromisoa eta laguntza argia adierazten du, modu batera edo bestera sustatu, kudeatu edo parte hartzen duen jarduera guztietan betetze-kultura sustatzeko.

Politika horren esparruan, edozein forma edo lotura juridiko edo instituzionalen pean, Udalean edo Udalerako zerbitzuak ematen dituzten pertsona guztiek osotasun eta gardentasunez jokatu behar dute



beren zereginak eta eginkizunak betetzean, eta iruzurrezko, ustelkeriazko edo eroskeriazko ekintzat hartar daitezkeen jokabideak saihestu eta jazarri behar dituzte, bai sektore publikoan, bai pribatuan.

Era berean, eta irailaren 29ko HFP/1030/2021 Aginduaren 6. artikuluan xedatutakoari jarraikiz, zeinaren bidez Suspertze, Eraldatze eta Erresilientzia Plana (SEEP) egituratzen baita, Udalak iruzurraren aurkako neurrien plan bat egingo du, dagokion jarduera-eremuan SEEPtik datozen funtsak aplikatu beharreko arauen arabera erabili direla bermatzeko eta aitortzeko, zehatz-mehatz, iruzurra, ustelkeria eta interes-gatazkak prebenitzeari, hautemateari eta zuzentzeari dagokionez.

3.- Aplikazio-eremua

Politika hori nahitaez bete behar dute Udalean eginkizun ordainduak betetzen dituztenek, hala nola (i) karrerako funtzionarioek, (ii) bitarteko funtzionarioek, (iii) lan-kontratudun langileek (finkoak, mugagabeak edo aldi baterakoak) ala (iv) behin-behineko langileek eta Udaleko gobernu organoetako kideek (aurrerantzean, “Hartzaileak”).

Udalak espero du hartzaile guztiak, Udalean duten posizioa, titulua edo kargua edozein izanda ere, erne egotea eta modu proaktiboan jakinaraztea iruzur, eroskeria edo ustelkeria kasu bat izan daitezkeen edozein jarduerari buruz.

Era berean, eta Udalak bere eginkizunak garatu eta gauzatzeko eta zerbitzu publikoak emateko beste erakunde eta pertsonak esku hartzea eta parte hartzea beharrezkoa duenez, besteak beste, entitate, organismo eta erakunde publiko edo pribatuak, hornitzaileak, kontratistek, azpikontratistek edo laguntzaileak (aurreratzean, guztiak batera “Hirugarrenak” deituko dira, banaka “Hirugarrena”), horiek guztiak Politika honi atxiki beharko zaizkio Udalarekin edozein gauza egin eta mantendu ahal izateko.

Hartzaileak, hirugarrenekin eta, bereziki, agintari eta erakunde publikoekin dituzten harremanetan, politika honetan jasotako iruzurraren aurkako konpromisoekin eta iruzurra, ustelkeria eta eroskeria prebenitzeko nazioko eta nazioarteko xedapeneekin bat etorritik jardungo dute.

4.- Iruzurraren aurkako plana

Udalak konpromisoa hartzen du neurri egokiak hartzeko, bere jardueren esparruan iruzurrezko, ustelkeriazko edo eroskeriazko ekintzak egiteko aukerak ahalik eta gehien murrizten direla bermatzeko. Osotasun-, gardentasun-, objektibotasun- eta inpartzialtasun-printzipioak izango dira nagusi Udalaren kudeaketan, eta, ondorioz, jokabide horiek prebenitzeko, detektatzeko, zuzentzeko eta jazartzeko berariazko barne-mekanismoak eta -politikak egiteko konpromisoa hartzen du.

Politika honen helburua da Udalaren iruzurraren aurkako neurriak proportzionalki egituratzea, iruzurraren aurkako zikloaren funtsezko lau elementuren inguruan: jokabide hauen prebentzioa, detekzioa, zuzenketa eta jazarpena.

Horretarako, prebentzio-neurri egokiak eta proportzionatuak hartzea aurreikusten da, egoera zehatzetara egokituta, iruzurraren arrisku baxua maila onargarrira murrizteko, eta dagokeen eta egon litekeen iruzurrarekin lotutako prozesuen, prozeduren eta kontrolen jarraipena egiteko mekanismoak definitzea.

Bereziki, Udalak iruzurraren aurkako hainbat neurri zehaztu eta aplikatuko ditu EBko funtsekin zuzenean edo zeharka lotuta sustatu, izapidetu eta edozein eratan kudeatutako edo partaidetutako

finantzaketa-eragiketei dagokienez (aurrerantzean, bakarka “Proiektua” nahiz batera “Proiektuak” deituko dira).

4.1. Arriskuaren ebaluazioa

Udalak konpromisoa hartzen du edozein zigor-arrisku izan dezakeen jarduerak identifikatzeko eta, zehazki, iruzurrarekin, ustelkeriarekin eta eroskeriarekin lotutako arriskuak identifikatzeko.

Udalak kudeatzen dituen arriskuak bere jardueraren berezko arriskuak dira, eta bere kudeaketa erabakiak hartzeko prozesuetan integratzen da, bai gobernu-organoen esparruan, bai bere jarduerak kudeatzeari eta eguneroko zerbitzuak emateari buruzkoan, eta bai herritarren aurrean, urteko aurrekontu-prozesuen eta definizio estrategikoko urte anitzeko prozesuen bidez.

Udalak iruzur-arriskuaren, inpaktuaren eta probabilitatearen ebaluazioa egingo du, eta aldian-aldian, bi urtean behin edo urtean behin berrikusiko du, iruzur-arriskuaren arabera. Eta, betiere, iruzur-kasuren bat detektatu bada Udalean bertan edo beste udal batzuetan izandako iruzur-kasuen berri badu, baldin eta iruzur horiek Udalean gerta badaitezke. Edota, araudian, prozeduretan edo kudeatzaileetan aldaketa esanguratsuak gertatzen badira. Ebaluazio-prozesu horretan, iruzurraren, ustelkeriaren eta eroskeriaren arriskuak identifikatu, aztertu eta balioetsiko dira, honako helburu hauekin:

- Udalak zentzuz aurreratu ditzakeen iruzur, ustelkeria eta eroskeria arloko arriskuak identifikatzea.
- Arrisku horiekin lotutako arau-hausteen edo delituen irismena, eragina eta probabilitatea aztertzea.
- Identifikatutako arriskuak aztertzea.
- Identifikatutako arriskuak baloratzea.
- Diseinuaren egokitasuna eta dauden kontrolen eraginkortasuna baloratzea.

Udalak bere arriskuak aztertuko ditu, kudeaketa-maila bakoitzean arlo horretan dauden erantzukizunak ezagutu ahal izateko, dauden prozeduren arabera. Ebaluazio hori hainbat iturritan oinarrituta egingo da (formalak eta informalak), Europako jardunbide onenei jarraikiz, bai eta ezarritako prozeduren eta kontrolen eraginkortasuna egiaztatzean eta edozein bidetatik hautemandako desadostasun edo arau-haustek hautematean ere.

Arrisku horiek identifikatu ondoren, arrisku horiek gauzatzea eragin dezaketen kausa errealak eta potentzialak zehaztuko dira, baita arrisku bakoitzaren inpaktu-eremuak eta horien ondorioak ere; gerta litekeen egoerak ere zehaztuko dira.

Era berean, Udalak arriskuak prebenitzeko eta kontrolatzeko urteko plan bat onartuko du, eta identifikatzen dituen arriskuen tratamendua zehaztuko du. Horretan, argi eta garbi, honakoak azalduko dira: (i) zehaztutako arriskuekiko muga, (ii) arriskua sortzen duten eragileak, kausak eta ondorioak, eta (iii) arrisku horiek prebenitzeko, detektatzeko, babesteko edo transferitzeko neurri eta kontrol egokiak, urteko kontrol-planaren barruan.

Politika honi II. eranskin gisa erantsi zaio interes-gatazkak, iruzurra eta ustelkeria prebenitzeko Udalak bete duen galdetegia, irailaren 29ko HFP/1030/2021 Aginduan xedatutakoa betez. Agindu horren bidez, Suspertze, Eraldatze eta Erresilientziako Plana kudeatzeko sistema eratu zen.



4.2. Iruzzurraren aurkako neurriak. Iruzzurraren aurkako zikloa

Politika honek Udalak «iruzurraren aurkako zikloaren» funtsezko lau elementuren inguruan ezarriko dituen iruzurraren aurkako neurriak egituratzen ditu: prebentzioa, detekzioa, zuzentasuna eta jazarpena.

Iruzzurraren aurkako neurriek legez kontrako ekintza baten etapak hartu behar dituzte, eta horiek prebenitzeko eta detektatzeko arauak, prozesuak eta prozedurak eta horiek betetzen direla kontrolatzeko sistema hartuko dituzte.

Udalak, arriskua kudeatzeko sistema artikulatu eta sendo bat ezartzeak legez kontrako jokabideak eragozten edo, gutxienez, zailtzen dituen arreta eta arduraren garrantziaz eta garrantziaz jabetuta, honako jarduketa hauek egingo ditu:

1. Arriskuen analisia eta ebaluazioa.
2. Kode Etikoa idaztea.
3. Etika eta salaketen kanala sortzea.
4. Salatzaileari zor zaion babesa bermatuko dio, eta salaketa faltsuetatik babestuko da.
5. Interes-gatazkak prebenitzeko politika idaztea.
6. Oparien politika idaztea.
7. Ezarritako politikak eta arauak betetzeko programa bat idaztea eta haren jarraipena egitea.
8. Iruzzurraren prebentzioari buruzko prestakuntza eta kontzientziarioa.
9. Iruzurra Kontrolatzeko Organoa izendatzea.

Iruzurra Kontrolatzeko Organoak prebentziozko azterketa osoak egin ahal izango ditu. Iruzurra Kontrolatzeko Organoak modu independentean aukeratuko ditu prebentziozko azterketa osoak zein proiektutan egingo diren, arriskuak ebaluatzeko prozesu zorrotz baten bidez. Horretarako hautatutako proiektuak sakon aztertu behar dira, debekatutako praktiken balizko adierazleak identifikatzeko.

Iruzzurraren, ustelkeriaren, eroskeriaren eta interes-gatazken prebentzio egokia ahalbidetzeko, Udalak Iruzzurraren aurka Borrokatzeko Europako Bulegoaren (IBEB, OLAF ingelesez) irizpideari eta Europako Batzordearen nazioarteko jardunbide onenei jarraituz egingo duen alerta-seinaleen katalogoa hartuko da kontuan.

Prebentziozko azterketa osoen helburuak honako hauek dira:

- Debekatutako jardunbideak goiz prebenitzen eta detektatzen laguntzea.
- Proiektuak beren oinarri, termino eta baldintzen arabera gauzatu diren zehaztea.
- Udalaren funtsak aurreikusitako helburuetarako erabili direla bermatzea.
- Politiketan, prozeduretan eta kontroletan hobekuntzak gomendatzea, abian diren proiektuetan eta etorkizunekoetan debekatutako praktiken aukerak mugatzeko.

Udalak kasu bakoitzean egokitzen jotzen dituen neurri guztiak ezarriko ditu, bere jardueren garapenean eta, bereziki, Proiektuen esparruan Hirugarrenetikiko harremanetan iruzurraren, ustelkeriaren



edo eroskeriaren zantzu, alerta edo susmo oro garaiz detektatzeko. Horretarako, iruzur-kasuak kontrolatzeko eta hautemateko sistema eta prozedura egokiak izango ditu. Horretarako, iruzur-kasuak kontrolatzeko eta hautemateko sistema eta prozedura egokiak izango ditu.

Udalaren izenean eta onurarako jarduten duten edo jardun dezaketen edo bitartekari izan daitezkeen Hirugarren alderdi guztiei, edo, edozein modutan, harekin zerikusia dutenei, dagozkien arretazko prozedurak aplikatu beharko zaizkie, inguruabarren arabera, eta, horrela, haien jarduera desegoki edo ez-zilegi baten ondoriozko arrisku potentzialak gutxitu beharko dira.

Nolanahi ere, Sektore Publikoko Kontratuei buruzko azaroaren 8ko 9/2017 Legean aurreikusitakoa aplikatuko da. Lege horren bidez, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB Zuzentarauen transposizioa egiten da Espainiako ordenamendu juridikora. Halaber, Dirulaguntzei buruzko azaroaren 17ko 38/2003 Legean xedatutakoa aplikatuko da.

Udaleko Ekonomia Arloa debekatutako jardunbideak prebenitzeko eta detektatzeko lehen babes-lerroa da, izan ere, sustatzaile eta mailegu-hartzaile izan daitezkeenen berri dute, bai eta kasuan kasuko proiektua gauzatzeko inguruabarren berri ere, eta, beraz, proiektu bakoitzaren balorazio-prozesuan osotasunarekin lotutako arriskuak detektatzeko lehen lerroa da.

➤ Hirugarrenen hautaketa

Hirugarrenaren hautaketa honako arau hauen arabera egingo da, araudi aplikagarriak horretarako aukera ematen duen bitartean:

- Entitateak eskaintzen eskaera bat idatziko du, eta bertan idatziz zehaztuko ditu eskatutako zerbitzuaren ezaugarriak, aurrekontu argi eta homogeenak lortzeko.
- Enpresa esleipendunari berariaz eskatutako zaio laneko arriskuen prebentzioari eta langileen eskubideei buruzko arauak, iruzurraren eta ustelkeriaren aurkako arauak eta lehia askea babesten duten arauak betetzea.
- Aukeraketa guztietan parte hartuko dute, ahal den guztietan, gutxienez bi hornitzailek eta, ahal dela, hiru hornitzailek, kasuan kasuko kontratazioarako egokien artean, betiere prezioaren, zerbitzuaren kalitatearen eta hornitzailearekiko harreman historikoaren irizpideak kontuan hartuta.
- Berariaz debekatuta dago aurrekontuak eskatzen zaizkien hornitzaileei beste eskaintza batzuei buruzko datu ekonomikoak ematea.
- Proposatutako eskaintzak lortu ondoren, gardentasun eta berdintasun printzipioak aplikatuz aztertu eta baloratuko dira.
- Egokitzen jotzen bada, jasotako eskaintzen baldintzak negoziatuko dira. Baldintzen negoziazioa, eta, bereziki, ekonomikoena, gardentasunez egingo da.
- Azkenik, eskaintzarik onena aukeratuko da.
- Hautaketa-prozesuan, IBEBk eta Europako Batzordeak arlo horretan emandako gomendioei jarraituko zaie, hala nola:
 - IBEB: iruzurra kontratazio publikoan. Alerta-adierazleak eta jardunbide egokiak biltzea.



- 2021/C 91/01 komunikazioa, kontratazio publikoan kolusioari aurre egiteko tresnei eta lotutako bazterketaren arrazoia aplikatzeko moduari buruzko orientabideei buruzkoa.

Hirugarrena hautatzeko prozesua behar bezala dokumentatu beharko da.

➤ Kontratazio-prozesua

Hirugarrenei eta Proiektuei dagokienez, formalizatu beharreko kontratuaren edukiak honako xede hauek bete beharko ditu:

- Idatziz jaso beharko da, eta funtsezko baldintzak jaso beharko ditu, politika honetan xedatutakoaren arabera.
- Argi eta garbi zehaztuko ditu erakundearen eta Hirugarrenaren eskubideak eta betebeharrak, eta datu pertsonalak babesteko araudian ezarritakoa bete beharko du.

Konplexutasunaren arabera, Entitatearen aholkularitza juridikoak berrikusi ahal izango ditu kontratuak.

Behar besteko ordezkari-tza-ahalmena duen Udalaren ordezkariak formalizatuko du kontratua.

Udalak neurri egokiak ezarriko ditu jarduera, zerbitzu, eragiketa, transakzio edo hitzarmen oro, edozein motatakoak eta izaeratakoak, une bakoitzean aplikatzekoa den indarreko araudian eta haren oinarri arautzaileetan, terminoetan eta baldintzetan aurreikusitakoaren arabera gauzatzen dela bermatzeko. Horrez gain, arrisku bat gauzatzea dakarten kasuek modu egokian eta goiztiarrean kudeatzeko neurriak izango dituzte.

Iruzurra Kontrolatzeko Organoak aldian-aldian hartuko du parte Proiektuen betearazpenaren jarraipenean, Udalaren jardueren etengabeko jarraipenaren funtsezko zati gisa.

Berehala jakinaraziko zaie Udaleko zuzendaritza-organoei Udalaren betebeharren betetzen zuzen eta osoari eragiten dion edo eragin diezaiokkeen gorabehera edo gertaera oro, aplikagarria den legedian aurreikusitako baldintzetan, bai eta Udalaren politika honetan eta gainerako barne-araudian xedatutakoaren arabera jarduketari ere.

Udalaren jarduera-eremuan iruzur, ustelkeria edo eroskeria kasu bat gertatzea ekar lezakeen edozein kasu gertatzen denean, berehala ekingo zaio aztertze, ikertze eta informazioa lortzeko prozedurari, eta beharrezkoak diren neurriak hartuko dira gertaeraren eragina minimizatzeko eta tartean egon daitezkeen interes publiko zein pribatuen eragina murrizteko, betiere betebeharrari kalterik egin gabe. Agintari publiko eskudunei (nazionalak eta europarrak) eta Estatuko, autonomia-erkidegoetako edo udalerrietako segurtasun-kidegoei horren berri emateko.

Beharrezkoa izanez gero, haiekin lankidetzan aritzeko Udalak neurri zuzentzaileen plan bat hartuko du arriskuak kudeatzeko eta kontrolatzeko egitura berrikusteko, aldatzeko eta egokitzeko, bai eta ezarritako neurriak, prozesuak eta prozedurak berrikusteko eta aldatzeko ere, politika honetan aurreikusitakoarekin bat etorritik, betiere 14. eta 15. paragrafoetan xedatutakoari kalterik egin gabe.



Azken batean, Udalak honako jarduera hauek gauzatzeko konpromisoa hartzen du:

- Udalean gobernantza ona eta Hartzaileen portaera etikoa bermatzea.
- Hartzaile guztiei Udalari eta herritarrei iruzurrak eta ustelkeriak eragindako arriskuei buruzko prestakuntza, informazio-saioak eta bestelako komunikazio-tresnak eskaintzea, bai eta iruzurraren aurka hartutako neurriei buruzkoa ere.
- Benetako kontrol eraginkorrak ezarri eta mantentzea, iruzurra, ustelkeria eta eroskeria prebenitzeko.
- Iruzurrezko edo ustelkeriazko ekintzarik eginez gero, ikerketa azkarra eta okerreko atzerapenik gabea egiten dela ziurtatzea, kontuan hartu gabe kargua, zerbitzuan emandako urteak eta susmagarriak Udalarekin eta beste hartzaile batzuekin izan dezakeen harremana.
- Udalaren diziiplina-ahalaren barruan, nahitaezko diziiplina-neurriak hartzea kasu guztietan, eta, hala dagokionean, legezko ekintzak abiaraztea.
- Iruzurrak edo ustelkeriak eragindako kalte ekonomikoa konpentsatzeko ekintza egokiak abiaraztea.
- Hirugarren zigortuak etorkizuneko kontratazio-prozesuetatik kanpo uztea, hala badagokio, araudi aplikagarriak aurreikusitako neurrian.
- Antzeko iruzur, eroskeria edo ustelkeriako kasuak prebenitzeko sistemak eta prozedurak berrikustea.

5. Interes-gatazkako egoerak

«Interes-gatazka» dago pertsona baten eginkizunak modu inpartzialean eta objektiboan betetzeko arriskua dagoenean, familiarekin, bere bizitza sentimentalarekin, kideatasun politiko edo nazionalekin, interes ekonomikoekin edo beste edozein interes-motarekin zerikusia duten arrazoiengatik, adibidez, EBko funts-eskatzaile batekin. Egoera horien kudeaketa berantiar eta desegokiak kalte nabarmenak eragin diezazkioke Udalari eta, ondorioz, gizarteari.

Udalaren interesak sustatzean, Udaleko interes-gatazken egoerak aurreikusi behar dira beti. Hartzaileek ezin dituzte, inola ere, beren interes pertsonalak Udalaren interesen aurretik jarri.

Politika honen ondorioetarako, interes-gatazkatzat joko da Aginduan aurreikusitakoa (ikus III c eranskina):

“Europako Parlamentuaren eta Kontseiluaren 2018ko uztailaren 18ko 2018/1046 (EB, Euratom) Araudiaren 61. artikulua, Europar Batasunaren aurrekontu orokorrari aplikatu beharreko finantza-arauei buruzkoak (Finantza Araudia), interes-gatazka dagoela ezartzen du «baldin eta finantza eragileek eta aurrekontua zuzenean, zeharka eta modu partekatuan gauzatzen nahiz kudeaketan parte hartzen duten gainerako pertsonak, prestatzeko egintzak, auditoria edo kontrola barne, ekitaldi inpartziala arriskuan jartzen badute. Familiako, afektibitateko, kideatasun politiko edo nazionaleko, interes ekonomikoko edo zuzeneko edo zeharkako intereseko beste edozein arrazoiengatik dituen eginkizunak».



Gainera, kontuan izan behar da interes-gatazkaren irismena:

- i. EBko erakunde guztietako kontu-sail administratibo eta operatibo guztietan eta kudeaketa-metodo guztietan aplikatu daiteke.
- ii. Edozein interes pertsonal barne hartzen du, zuzeneko edo zeharkakoa.
- iii. Interes-gatazka potentzial gisa «ikusten» den edozein egoeraren aurrean, jakin egin behar da.
- iv. Estatuetakoa agintariak, edozein mailatakoak direla ere, interes-gatazka potentzialak saihestu edota kudeatu behar dituzte.

Era berean, eta interes-gatazka batean inplikaturik egon daitezkeen eragileei dagokienez:

- i. Kudeaketa-, kontrol- eta ordainketa-lanak egiten dituzten langile publikoak eta eginkizun horietako baten bat edo batzuetan, ordezkatzuz, parte hartzen duten bestelako agente batzuk.
- ii. Onuradun pribatuak, bazkideak, kontratistak eta azpikontratatistak, funtsekin finantzaturako jarduerak egiten dituztenak, beren interesen alde jardun dezaketena, baina EBren finantza-interesen aurka, interes-gatazka baten esparruan.

Azkenik, interes-gatazka eragingo lukeen egoera kontuan hartuta, honako hauek bereiz daitezke:

- i. Ageriko interes-gatazka: enplegatu publiko edo onuradun baten interes pribatuak bere eginkizunak edo betebeharrak modu objektiboan betetzeko konpromisoa har dezaketenean gertatzen da, baina, azkenean, ez dagoenean lotura identifikagarri eta indibidualik pertsonaren jokabidearen, portaeraren edo harremanen alderdi zehatzekin (edo alderdi horietan duen ondorioa).
- ii. Interes-gatazka potentziala: enplegatu publiko edo onuradun batek halako interes pribatuak dituenean sortzen da, eta interes horiek interes-gatazka sor dezakete, etorkizunean erantzukizun ofizial jakin batzuk bere gain hartu behar badituzte.
- iii. Benetako interes-gatazka: enplegatu publiko baten betebeharrak publikoaren eta interes pribatuen arteko gatazka dakar, edo enplegatu publikoak bere betebeharrak eta erantzukizun ofizialetan bidegabe eragin dezaketen interes pertsonalak ditu. Onuradun baten kasuan, gatazka sortuko litzateke funtsen laguntza eskatzean hartutako obligazioen eta haren interes pribatuen artean, horiek eragin okerra izan baitezakete aipaturiko obligazioak betetzean.

Udalak bere jarduerara garatuko du hartzailerik guztien eskubide eta interes legitimoak babestuz eta une oro tratu-berdintasuna errespetatuz eta diskriminazio-mota oro saihestuz.

Politika honen esparruan interes-gatazka ekar lezakeen edozein eragiketari dagokionez, Hartzailerik une oro inpartzialtasunez eta profesionaltasunez jardungo dute. Horrez gain, ezin izango dute, inola ere, Udalarekin duten harremanetatik etekinik atera, ezta horri buruzko aipamenik egin ere, besteren interesak edo kanpokoak, negozioetakoak edo beste mota batekoak sustatzeko, edo gertuko edo hurbileko lagun edo senideei mesede egiteko.

Udalak Interes Gatazka Ezaren Aitorpenerako Eredua (IGEA) betetzeko eskatuko die edozein harreman izango duten Hirugarren guztiei. Eredu hori politika honi erantsi zaio, III. eranskin gisa.



Egoeraren berri izaten den unetik, Hartzaile guztiek modu proaktiboan aitortu beharko dute balizko interes-gatazka bat dagoela, norberarena edo besterena, benetakoa edo potentziala, hierarkian gorago dagoenari berehala jakinarazita eta Iruzurra Kontrolatzeko Organoarekin harremanetan jarrita. Honek hori ebaluatzeko, interpretatzeko eta, azkenik, erabaki bat hartzeko, hala badagokio, beharrezkoak diren kontrol-neurriak proposa ditzan eta egoera horien erregistroa eraman dezan.

Zehazki, Udalak honako neurri hauek hartuko ditu:

1. Interes-gatazkak prebenitzeko neurriak

- A. Entitateko langileei interes-gatazken modalitateei eta gatazka horiek saihesteko moduei buruzko informazioa ematea.
- B. Prozeduretan parte hartzen dutenei interes-gatazkarik ezaren adierazpena (IGEA) betetzea, betiere kontratazio-organoko/dirulaguntza emateko organoko arduradunari, lizitazio-dokumentuak/oinarriak edota deialdiak idazten dituzten langileei, eskaerak/eskaintzak/proposamenak ebaluatzen dituzten adituei, eskabideak/eskaintzak/proposamenak ebaluatzeko batzordeetako kideei eta prozedurako gainerako kide anitzeko organoei.

Elkargokideko organoen kasuan, aitorten hori bileraren hasieran egin daiteke bertan parte hartzen dute guztiek, akta jasota.

Era berean, IGEA bete beharko da onuradunek aurkeztu beharreko baldintza gisa, baldin eta, laguntza emateko baldintzen barruan, interes-gatazka potentziala duten jarduerak egin behar badituzte.

- C. Informazioa egiaztatzea merkataritza-erregistroen datu-baseen bidez, erakunde nazionalen eta EBkoen datu-baseen bidez, langileen espedienteen bidez (datuak babesteko arauak kontuan hartuta) edo datuak aztertzekeo tresnen («data mining») edo arriskuen puntuazioaren bidez (ARACHNE).
- D. Dagokion barne-araudia zorrotz aplikatzea (Estatuko, autonomia erkidegoko edo tokiko araudia), bereziki Enplegatu Publikoaren Oinarritzko Estatutuaren Legearen testu bategina onartzen duen urriaren 30eko 5/2015 Legegintzako Errege Dekretuaren 53. artikulua, Printzipio Etikoei buruzkoa; Sektore Publikoaren Araubide Juridikoaren urriaren 1eko 40/2015 Legearen 23. artikulua, Abstentzioari buruzkoa; eta 19/2013 Legea, Gardentasunari, informazio publikoa eskuratzeko bideari eta gobernu onari buruzkoa.

2. Egon daitezkeen interes-gatazkei aurre egiteko neurriak

- A. Interes-gatazkei egon litekeen egoera hierarkian gorago dagoenari jakinaraztea, eta horrek idatziz baieztatuko du gatazka hori dagoela. Interes-gatazka bat dagoela uste denean, izendapenak egiteko ahalmena duen agintariak edo dagokion agintari nazionalak zainduko du dagokion pertsonak gai horretarako jarduera oro bertan behera uzten duela, eta beste edozein neurri gehigarri hartu ahal izango du, aplikatu beharreko zuzenbidearekin bat etorritz.



- B. Errekusatzeari dagokionez Sektore Publikoaren Araubide Juridikoaren urriaren 1eko 40/2015 Legearen eta, gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen barne-araudia (Estatukoa, erkidegokoa eta tokikoa) zorrotz aplikatzea.

Hartzaileek interes-gatazka erreal zein potentzial bat ikusiz gero, honako arau hauen arabera jokatu beharko da:

- Interes-gatazkak eragindako pertsonak balizko interes-gatazka oro modu proaktiboan eta gardenean aitortuko dute.
- Interes-gatazkak eragindako pertsonak ez dute informazio konfidentziala eskuratuko.
- Interes-gatazkak eragindako pertsonak ez dute parte hartuko eztabaidetan eta erabakiak hartzerakoan.
- Interes-gatazkak eragindako pertsonak interes-gatazkak konpontzen lagunduko dute.
- Interes-gatazkan dauden gobernu-organoko kideek egoera horren berri eman beharko diete berehala organoko gainerako kideei eta Iruzurra Kontrolatzeko Organoari.

6. Beste funtzionario eta agintari publiko batzuekiko harremana

Funtzionarioekiko eta agintari publikoekiko harremana gardentasunaren, osotasunaren, objektibotasunaren, inpartzialtasunaren eta legezkotasunaren printzipioetan oinarritu behar da.

Nolanahi ere, funtzionarioekin eta agintari publikoekin dugun harremanean, jarduteko jarraibide orokor hauek bete beharko ditugu:

- Kode Etikoan jasotako balioak, printzipioak eta jokabide-arauak betetzea.
- Interes-gatazkarik egonez gero, funtzionarioekin edo agintari publikoekin ez jardutea.
- Administrazio publikoei emandako informazioaren egiazkotasuna eta osotasuna gainbegiratzea eta egiaztatzea.
- Horretarako izendatutako pertsonak sektore publikoarekin trukaturako dokumentazio guztia behar bezala kontserbatzea eta zaintzea.

7. Oparien eta antzekoen politika

Hartzaileek hirugarrenen inpartzialtasuna, osotasuna eta objektibotasun profesionala alda dezakeen edozein interferentzia edo eragin saihestuko dute.

Hartzaileek ezin izango dute, ez zuzenean ez zeharka, opari edo onura pertsonalik, ordainketarik, komisiorik edo bestelako onurarik onartu beren jardura profesionalaren esparruan, ez hirugarrenekin duten harremanean, ez Udalarekin edo haien kontura diharduenarekin edozein motatako harremana izan nahi dutenekin, baldin eta harreman komertzial, profesional edo administratiboetan, publiko zein pribatuetan, eragin desegokia badute.



Era berean, hartzaileek ezin dute oparirik, ordainketarik, komisiorik edo bestelako onura pertsonalik eskatu, ezta onartu ere, hirugarrenentzat, Udalarekin harremana izan nahi dutenentzat edo haien kontura diharduenarentzat.

Politika honen ondorioetarako eta azalpen hutsetarako, opari edo onura pertsonaltzat hartuko dira hartzaileei eskaintzen, hitzematzen edo ematen zaizkien opari, ondasun, zerbitzu, ikuskizun edo ekitaldietarako sarrera, bidaia, lehentasunezko tratu, deskontu berezi edo bestelako arreta guztiak.

Mintegietara eta prestakuntza hutsezko jardueretara joatea, bai eta bazkari edo gosari informatiboak ere, ez dira onura pertsonaltzat hartuko, salbu eta, kostuagatik, lekuagatik, testuinguruagatik edo prestazio osagarriengatik, neurriz kanpokoak badira beren xederako.

8. Gastuak

Udalak beti eta une oro jardungo du austeritate- eta proportzionaltasun-irizpideen arabera, eta hartzaileen portaera ere irizpide horien buru izan behar da.

Hartzaileek beren eginkizunak betetzearekin eta Udalaren izenean eta hura ordezkatzuz jarduerak garatzearekin lotutako edozein gastu behar bezala justifikatu beharko da, kasu bakoitzaren inguruabar zehatzen arabera, eta behar bezala dokumentatuta.

Ondorioz, behar bezala justifikatuta ez dauden edo politika honetan jasotako printzipioetara egokitzen ez diren otordu-gastuak eta joan-etorriak ez dira onartuko.

Mantenuak eta joan-etorriak eragindako gastuen tratamendua Udalean indarrean dagoen gastuak kontrolatzeko prozeduran xedatutakoaren arabera arautuko da.

9. Kontabilitate-erregistroak

Bere jarduerak arautu behar dituen gardentasun-printzipioarekin bat etorritz, Udalak kontabilitateko barne-kontrolako sistema egoki bat izango du. Horrek Udalaren izenean eta haren kontura egindako transakzio guztiak modu argi batez erakutsiko ditu, hori guztia aplikatu beharreko araudiaren arabera.

Udalaren kontabilitate eta erregistroko liburuak zehatzak eta xeheak izan beharko dute, eta erabat debekatuta dago eragiketei buruzko informazio faltsuak edo engainagarriak egitea.

Alde horretatik, egindako transakzio guztiei estaldura emateko dokumentazio zehatza, egokia eta zentzuzko xehetasunekin gorde beharko da, eta informazioaren kudeaketari buruzko barne-politiken arabera zainduko da.

Nolanahi ere, eta beste baldintza batzuei kalterik egin gabe, guztiz debekatuta daude honako jokabide hauek:

- Erregistratu gabe dauden kontuak egotea.
- Liburuetan ez erregistratzeko edo modu desegokian erregistratzeko eragiketak egitea.
- Existitzen ez diren gastuak erregistratzea.
- Gastuen idazpenetan, ez dagokien beste azalpen bat jartzea.
- Dokumentu faltsuak erabiltzea.



- Kontabilitate-dokumentuak nahita suntsitzea legean aurreikusitako epea baino lehen.

10. Estatu-laguntzak eta kolusio arriskua

Udalak, SEEP gauzaten parte hartzen duen erakundea den aldetik, Estatuaren Laguntzei buruzko eta Lehia Askeari buruzko Araudia erabat errespetatzen dela bermatzeko eta finantzaketa bikoitzik ez dagoela bermatzeko, prozedurak aplikatuko ditu une oro.

Horretarako, autoebaluazio bat egingo du, Estatuko laguntzen araubidearekin eta finantzaketa bikoitzaren prebentzioarekin bateragarria den jakiteko.

Artikulu honetan ezarritakoaren arabera: Europar Batasunaren Funtzionamenduari buruzko Itunaren (EBFI) 107. artikuluan, Estatu-laguntzat hartzen da estatuak edo estatu-funtzen bidez edozein modutan emandako edozein laguntza, baldin eta enpresa edo ekoizpen jakin batzuei mesede eginez lehia faltsutzen badute edo faltsutzeko mehatxua egiten badute.

Bestalde, EBFIren 101. eta 102. artikuluek debekatu egiten dute operadore ekonomiko batek lehia askea faltsutzen edo murrizten duen edozein alde anitzeko edo alde bakarreko jokabiderik egotea. Udalak printzipio horiek errespetatu beharko ditu une oro, EBFIren, Lehiaren Defentsarako Legearen eta Sektore Publikoko Kontratuen Legearen arabera.

Jarraitu beharreko irizpideak Estatuko eta Lehia Askeko Laguntzen Politikan zehaztuko dira.

Arau horiek ez betetzea ekar dezakeen edozein kasu hautematen bada, Udalak prozesua geldiaraziko du eta agintari eskudunei jakinaraziko die, Europako Batzordeak arlo horretan emandako gomendioei jarraituz.

11. Iruzurra Kontrolatzeko Organoa

Aginduan aurreikusitakoa betez, Udalak Iruzurra Kontrolatzeko Organo bat izendatu du, iruzur kasu susmagarrien azterketa eta jarraipena egiteko eta EBko funtsak berreskuratzeko prozesu egokiak ezarri eta garatzeko.

Udaleko iruzurraren kontrolerako organoa kide bakarreko organoa edo elkargokidea izan daiteke.

Iruzurra Kontrolatzeko Organoak independentziaz eta inpartzialtasunez jokatu beharko du, eta ahalik eta ardura eta gaitasun profesional handienarekin gauzatu beharko du bere lana. Horretarako, Iruzurra Kontrolatzeko Organoak bere eginkizunak betetzeko behar duen informazio eta dokumentazio guztia eskatu ahal izango dio Udaleko sail eta prozesu bakoitzari, eskatutako pertsonaren hierarkia-maila edozein dela ere.

Iruzurra Kontrolatzeko Organoak honako eginkizun hauek izango ditu:

- Politika honen garapena, ezarpena, funtzionamendua, eraginkortasuna eta betetzea zuzentzea eta gainbegiratzea.
- Iruzurrezko ekintza eta jokabideen aurrean “zero tolerantzia” printzipioan oinarritutako prebentzio-kultura sustatzea.
- Arriskuen mapa bat, bai eta zaintza eta kontrolerako planak eta prozedurak ere abian jartzea.
- Udalean iruzur, ustelkeria eta eroskeria prebenitzeko arau eta barne-kontrol egokiak onar daitezen proposatzea.
- Antzemandako arriskuen aldizkako ebaluazioa eta arrisku bakoitzari aplikatu



beharreko kontrolak egitea.

- Politika hau modu loteslean interpretatzea, eta haren edukiari, aplikazioari edo betetzeari buruz sortzen zaizkion kontsultak edo zalantzak ebatzea.
- Salaketan kanala kudeatzea, hari lotuta egindako jarduketa guztien erregistroa eramanaz dokumentuak kudeatzeko sistema baten bidez, sistemaren funtzionamendua azkar frogatu eta gerta daitezkeen akatsak detektatu ahal izateko.
- Iruzurrezko jokabidea ekar dezakeen edozein gertakariri buruz egiten diren barne-ikerketak hastea eta zuzentzea, bai eta organo eskudunei dagozkion zehapenak ezar daitezen proposatzea ere.
- Politika honetan egoki diren aldaketak proposatzea.

Iruzurra Kontrolatzeko Organoak hirugarrenen laguntza eta aholkularitza eskatu ahal izango du bere eginkizunak behar bezala betetzeko beharrezkotzat edo komenigarritzat jotzen duenean, eta ekimen-askatasuna izango du, ikerketa bat hasi ahal izateko alde aurreko salaketarik edo nagusi baten agindurik behar izan gabe, betiere, edozein arrazoirengatik komenigarritzat jotzen badu.

Iruzurra Kontrolatzeko Organoak isilpean gordeko ditu bere eztabaida eta erabakiak, eta, oro har, ez ditu jakinaraziko bere kargua betetzean eskura dituen informazio, datu, txosten edo aurrekariak, ez eta bere onurarako edo hirugarrenen onurarako erabili ere.

Iruzurra Kontrolatzeko Organoaren konfidentzialtasun-betebeharrak bere horretan jarraituko du, baita kargua utzi badu ere.

Iruzurra Kontrolatzeko Organoa interes-gatazkan badago, horren berri eman beharko dio gobernu-organoari, eta hark izango du horren inguruan sor daitezkeen zalantzak edo gatazkak ebazteko eskumena.

12. Salaketak eta kontsultak

Udalak bermatzen du jokabide txarraren, iruzurraren, ustelkeriaren edo beste edozein urraketa etikoren susmoak modu konfidentzian eta babestuan jakinarazteko aukera. Horretarako, Udalak konpromisoa hartzen du Kanal Etiko bat ezartzeko, Europako Parlamentuaren eta Kontseiluaren 2019ko urriaren 23ko 2019/1937 (EB) Zuzentarauan, Batasuneko Zuzenbidearen arau-hausteei buruzko informazioa ematen duten pertsonen babesari buruzkoan, aurreikusitakoa errespetatuz.

Iruzurrezko ekintzak edo egintza ustelak gertatu direla uste izateko arrazoizko oinarria duen pertsona orok egintza susmagarriaren berri eman behar du berehala. Edozein gorabeheraren berri eman behar da lehenbailehen.

Hartzaileek politika hau ez betetzea edo urratzea ekar dezaketen ekintza edo gertaera guztien berri eman behar dute.

Era berean, Hartzaileek politika osatzen duten arau eta printzipioei buruzko kontsultak bidali ahal izango dituzte Kanal Etikoaren bidez, horien irismenari, manuen interpretazioari edo kasu jakin batean (aurrerantzean, “**Kontsultak**”) aplikatzeari buruzko zalantzak barne.

Salaketak eta Kontsultak posta elektronikoa honen bidez bidali behar dira: info@artziniegakoudala.eus



Iruzurra Kontrolatzeko Organoa arduratuko da salaketak izapidetzeaz eta kontsultak egiteaz, Kanal Etikoren Protokoloaren arabera.

Iruzurra Kontrolatzeko Organoa tartean sartzen bada, Udaleko Ekonomia Arloari bidaliko zaio jakinarazpena.

Salaketa faltsuek edo ezarritako prozeduren arabera, iruzurrezko edo usteldutako jardueren susmoak behar bezala ez salatzeak diziplina-neurriak edo beste mota batekoak hartuko dituzte, kasuan kasu, salaketa egiten duen pertsonari eta hark Udalarekin duen harremanari erreparatuta.

Errepresaliak eta ustezko iruzurrezko jarduerak edo jarduera ustelak salatzeagatik ezarritako zigorrak ez dira onartuko, eta edozein salatzailerik Udalaren laguntza eta babesa jasotzeko eskubidea izango du, errepresalia oro saihesteko.

13. Politika ez betetzea

Hartzaile guztien erantzukizuna da hemen ezarritakoa betetzea, Politika honetan jasotako edozein neurri betetzen ez bada, dagozkion neurriak hartu beharko dira, indarrean dagoen diziplinazko eta bestelako lan arloko legeriaren eta kasu bakoitzari dagozkionaren arabera.

Politika honen ondorioetarako, **“Irregularitasuntzat”** hartuko da Udalaren jarduerari aplikagarri zaion araudia eta legeria (i) ez betetzea, zigor arlokoa barne, bai eta (ii) Politika hau osatzen duten arauetako edozein ere.

Irregularitasunak Proiektu bati eragiten badio, Udalak behar ez bezala erabilitako funtsak berreskuratzeko behar diren legezko neurri guztiak hartuko ditu.

14. Ez betetzearen ikerketa

Iruzurra Kontrolatzeko Organoa salaketak eta kontsultak jasotzeaz arduratuko da, eta Politika honetan adierazitakoaren arabera, dagozkion izapidetzea emango die.

Iruzurra Kontrolatzeko Organoa arduratuko da irregularitasunari buruzko gertakariak ikertzeaz, eta dagozkion espedientea izapidetzeaz.

Iruzurra Kontrolatzeko Organoa zuzenean edo zeharka -hirugarrenen bitartez- Irregularitasunean inplikaturik badago, organo horrek ezin izango du haren izapidetzean parte hartu, ez eta harekin lotutako alderdiren bat jorratzen den bileretan ere. Informazio guztia Udaleko gobernu organoaren esku jarriko da, eta organo horrek tramitatu beharko du une horretatik aurrera, eta hirugarrenengana jo ahal izango du horretarako.

Iruzurra Kontrolatzeko Organoak egiaztatuko du irregularitasuna egiazkoa eta zehatza dela, entzunaldi izapidea emango die eragindako eta lekuko guztiei, eta beharrezkotzat jotzen dituen eginbide guztiak egingo ditu. Hartzaile guztiak behartuta daude ikerketan leialki laguntzera. Lekukoen eta ukitutakoen esku-hartzea erabat konfidentziala izango da.

Espedientea izapidetu ondoren, Iruzurra Kontrolatzeko Organoak bidezkotzat jotzen duena ebartziko du.



Igorritako ebazpenak ondorioztatzen badu hartzaile batek (Udalarekin duen harremanaren izaera edozein izanda ere) irregulartasunen bat egin duela, Iruzurra Kontrolatzeko Organoak giza baliabideen arduradunari edo dagozkion diziplina neurriak aplikatzeko eskumena duenari jakinaraziko dio, eta horren berri emango dio Iruzurra Kontrolatzeko Organoari.

Emandako ebazpenak ondorioztatzen badu hirugarren batek irregulartasunen bat egin duela, ikuskapen organoak Lege Sailari jakinaraziko dio, dagozkion kontratu-eskubideak balia ditzan, eta horren berri emango dio Iruzurra Kontrolatzeko Organoari.

Espedientearen ondorioz agerian geratzen bada legezko jarduketak egin behar direla, Iruzurra Kontrolatzeko Organoak Zerbitzu Juridikoei helaraziko dizkie jarduketak, kasu bakoitzean egokiak diren jarduketa administratiboak edo judizialak has ditzaten.

Atal honetan jasotako ondorioez eta proiektu bat abian jartzean eta lizitatzean berariaz aurreikusitako ondorioez gain, egiaztatzen bada proiektu jakin bati lotutako Hirugarren batek debekatutako jardueraren bat egin duela kontratazio publikoko prozedura batean edo proiektu bat gauzatzean, politika honetan aurreikusitakoarekin bat etorriz, Udalak honako aukera hauek egin ditzake:

- Betetzeko debekatuta dagoen praktika behar bezala eta berehala zuzentzeko eskatzea.
- Eragindako EBko funtsak itzultzeko eskatzea, hala badagokio.
- Udalarekin lotutako kontratuak esleitzeko Hirugarren hori ez dela hautagarria erabakitzea.
- Kontratu bat emateko Udalaren eragozpenik ezaren adierazpena ukatzea eta kontratuko neurri egokiak aplikatzea, hala nola etetea eta deuseztatzea.
- Hirugarrenekin eta Proiektuekin zerikusia duten kontratuak Udalak ebatzi ahal izango ditu, honako egoera hauetakoren bat gertatzen bada:
 - Hirugarren batek aipatutako kontrolak aplikatzeari uko egitea, aurre egitea edo oztopatzea.
 - Hirugarrenak aplikatzekoak diren baldintza-agirian edo oinarri arautzaileetan araututako funtsezko baldintzetako edozein ez betetzea.

15. Berrikustea eta eguneratzea

Politika hau Udalbatzak onartzen duen egunean sartuko da indarrean, eta indarrean egongo da baliogabetzea edo aldatzea onartzen ez den bitartean. Politika hau behar beste aldiz berrikusiko du Iruzurra Kontrolatzeko Organoak, eta gutxienez urtean behin.

Politika honen aldaketa eta eguneratze bakoitzaren behin betiko onarpenak Udalbatzak onartu beharko ditu.

16. Datu pertsonalen babesa

Politika honen esparruan bildutako datuak hertsiki eta objektiboki beharrezkoak izango dira jasotako Salaketak eta Kotsultak kudeatzeko, izapidetzeko eta horiei erantzuteko, eta, hala badagokio, Irregulartasunak ikertzeko.

Datu horiek helburu horrekin bakarrik erabiliko dira, eta ez dira erabiliko helburu bateraezinetarako.

Udalak beharrezko neurri teknikoak eta antolakuntzakoak hartu ditu, politika honen esparruan tratatutako datuen segurtasuna eta konfidentziasuna babesteko.



Salaketa baten ikerketaren testuinguruan bildutako informazioa gobernu-organoari edo Giza Baliabideen arduradunari jakinarazi ahal izango zaio. Dagokion Salaketa izapidetzeko edo bidezkoak diren diziiplina edo kontratu zehapenak ezartzeko helburu bakarrarekin. Era berean, informazio hori agintari judizialei jakinarazi ahal izango zaie haiek hala eskatzen dutenean, edo salatutako egitateak arau-hauste penala direnean.

17. Trebakuntza/Formakuntza

Udalak hartzaileei zuzendutako prestakuntza-ekintzak antolatuko ditu iruzurra, ustelkeria, eroskeria eta interes-gatazkak aurreikusteko. Gainera, beren ezaugarriengatik iruzurrarekin, ustelkeriarekin, eroskeriarekin, kapital zuriketarekin eta terrorismoaren finantzaketarekin zerikusia izan dezaketen gertaerak edo eragiketak antzemateko egokiak diren lanpostuak betetzen dituzten langileei berriaz zuzendutako ikastaroak ematea sustatuko du, pertsona horiek trebatuz.

I. ERANSKINA

AIARAKO UDALAREN IRUZURRAREN AURKAKO ADIERAZPEN INSTITUZIONALA

2020ko uztailaren 21ean, Europako Kontseiluak “Next Generation UE” (EBko hurrengo belaunaldia) izeneko aparteko tresna bat adostu zuen, 750.000 milioi eurokoa, aldi baterako, COVID-19ak eragindako pandemiaren ondorio ekonomiko eta sozialei aurre egiteko, estatu kideekin koordinatutako erantzun europarra bermatuz.

Next Generation Euren barruan bolumen handieneko tresnetako bat Suspertze eta Erresilientziarako Mekanismoa (SEM) da, 672.500 milioi eurokoa. SEMen helburuak garatzeko funtsezko atal gisa, irailaren 30ean BOEn irailaren 29ko HFP/1030/2021 Agindua argitaratu zen. Horren bidez, Suspertze, Eraldatze eta Erresilientzia Plana (SEEP) egituratu da. Plan horren arabera, administrazio publikoek hainbat neurri hartu behar dituzte, besteak beste, kudeaketa-prozedurak eta kontrol-eredua egokitzea, haien konfigurazioarekin batera. Horrez gain, planean aurreikusitako neurrien barruan (eraldaketak/inbertsioak) dauden proiektuak eta azpiproiektuak definitu, planifikatu, gauzatu, jarraitu, eta kontrolatzera bideratutako kudeaketa zehaztu behar dute.

Bestalde Europako Parlamentuaren eta Kontseiluaren 2021eko otsailaren 12ko 241/2021 (EB) Araudiaren 22. artikulua zenbait betebeharrak ezartzen dizkio Espainiako Estatuari, EBren finantza-interesak babeste aldera. Horretarako, iruzurraren aurkako neurrien plan bat egituratzeko betebeharrak ezartzen dio, EBren finantza-interesak babesteko helburuarekin.

Betebeharrak hori erdieste aldera, Aginduaren 6. artikuluan (“Iruzurra, ustelkeria eta interes-gatazkak saihesteko, detektatzeko eta zuzentzeko mekanismoak indartzea”), SEEP neurriak betearazten parte hartzen duten erakunde erabakitzaile edo betearazle guztien Iruzurraren aurkako Neurrien Plan bat eduki beharko dute. Horren helburua da bermatzea eta aitortzea, dagokion jarduera-eremuan, dagozkien



funtsak aplikatu beharreko arauen arabera erabili direla, bereziki, iruzurra eta ustelkeria prebenitzeari, hautemateari eta zuzentzeari dagokienez.

“Iruzur” terminoak engainua erabiltzea esan nahi du, irabazi pertsonalak lortzeko erakunde publiko bati lotutako pertsonarentzat edo hirugarren batentzat, edo galerak beste pertsona batentzat. “Ustelkeria” irabazi pertsonalak lortzeko botere-abusua da. «Interes-gatazka» dago pertsona baten eginkizunak modu inpartzialean eta objektiboan betetzeko arriskua dagoenean, familiarekin, bere bizitza sentimentolarekin, kidesun politiko edo nazionalekin, interes ekonomikoekin edo beste edozein interes-motarekin zerikusia duten arrazoiengatik, adibidez, EBko funts-eskatzaille batekin. Iruzurrak, ustelkeriak eta interes-gatazkako kasuen kudeaketa txarrak ondorio finantzarioak izateaz gain, kalte larria egiten diote baliabide publikoei eta, beraz, EBko funtsak eraginkortasunez eta efizientziaz kudeatzeko ardura duen erakundearen ospeari.

AIARAKO Udalak iruzurraren eta ustelkeriaren aurka dagoela adierazi du erabat, eta kalitate juridiko, etiko eta moral handia mantentzeko konpromisoa hartu du, bai eta osotasun, inpartzialtasun, gardentasun eta zintzotasun printzipioen arabera jokatzekoa ere. Gainera, bere eginkizunak betetzean iruzurraren eta ustelkeriaren aurka borrokatzeko konpromisoa berretsi du, eta interes-gatazkak goiz eta behar bezala kudeatzeko asmoa adierazi du.

AIARAKO Udalak iruzurraren aurkako politika bat onartu du, edozein iruzur-jardueratarako disuasio-efektua izango duen betetze-kultura sustatzeko, eta, horrela, jarduera horiek modu proportzionatuan, eraginkorren, egokian eta denboran zehar egokituz prebenitu, detektatu, zuzendu eta jazarri ahal izateko.

Horrez gain, AIARAKO Udalak konpromisoa hartzen du kudeaketa-prozedurak eta kontrol-eredu bat ezartzeko, EBko funtsak lortzeko eta bideratzeko espedienteen estandar etiko onenekin bat datorren izapidetze eraginkorra ziurtatzeko, SEEP planean aurreikusitako helburuak bete ditzan. Horren ondorioz, Aiarako Udalak konpromiso instituzionala hartu du Iruzurraren aurkako Neurrien Plana onartzeko.

Zehazki, konpromisoa hartzen du, besteak beste, epe horren barruan jarduketa hauek egiteko:

1. Arriskuen analisisa eta ebaluazioa.
2. Kode Etikoa idaztea.
3. Kanal Etikoaren Protokoloa idaztea.
4. Interes-gatazkak prebenitzeko politika idaztea.
5. Oparien politika idaztea.
6. Iruzurraren prebentzioari buruzko prestakuntza eta kontzientziazioa.
7. Iruzurra kontrolatzeko organoa izendatzea.

Aiarako Udalak barneko jakinarazpen-kanalen bidez antzeman daitezkeen irregulartasunak edo iruzurraren eta ustelkeriaren susmoak salatuko ditu, eta Iruzurraren aurkako Koordinazio Zerbitzu

Nazionalarekin eta gainerako agintari eta erakunde publikoekin, Estatuko segurtasun-kidegoekin, autonomikoekin eta foralekin lankidetzan arituko da une oro.

II. ERANSKINA INTERES-GATAZKARI ETA IRUZURRAREN ZEIN USTELKERIAREN PREBENTZIOARI BURUZKO TESTA

Galdera	Betetze-maila			
	4	3	2	1
<i>1. Badago «iruzurraren aurkako neurriei buruzko planik», dagozkion funtsak ezarri beharreko arauetara jarraituz erabili direla iruzurra, ustelkeria eta interes-gatazken prebentzioari, detekzioari eta zuzenketari dagokienez? Eta horrela, bere jardueraren eremuan, erakunde betearazleak edo erakunde erabakitzaileak horrela egin duela bermatu eta adieraz dezake?</i>				
<i>2. Gauzatu beharreko maila guztietan «iruzurraren aurkako neurriei buruzko planik» ote dagoen egiaztatu duzue?</i>				
Prebentzioa				
<i>3. Badaukazue iruzurraren aurka borrokatzeko maila goreneko konpromisoa hartzen duen adierazpenik?</i>				
<i>4. Eginda duzue arrisku espezifikoak, horien eragina eta gertatzeko probabilitatea identifikatzen dituen autoebaluaziorik eta aldian-aldian berrikusi duzue?</i>				
<i>5. Kode etikoa zabaldu duzue eta oparien politikari buruzko informazioa eman duzue?</i>				
<i>6. Etika Publikoa sustatzen duen eta iruzurra detektatzea errazten duen prestakuntzarik eman duzue?</i>				
<i>7. Interes-gatazka ebazteko prozedurarik prestatu duzue?</i>				
<i>8. Bertan esku hartutako guztiek interes-gatazkarik ez izateari buruzko adierazpenik bete duzue?</i>				
Detekzioa				
<i>9. Iruzur-adierazlerik edo alerta-seinalerik (bandera gorrikerik) zehaztu duzue eta horiek detektatzeko moduan dauden langileei jakinarazi dizkiezue?</i>				
<i>10. Datuak aztertzeke edo arriskuak puntuatzeko tresnarik erabiltzen duzue?</i>				

Galdera	Betetze-maila			
	4	3	2	1
<i>11. Badago biderik hala nahi duten guztiek salaketak aurkezteko?</i>				
<i>12. Badago salaketak aztertzeke eta zuzenketak proposatzeko ardura duen unitaterik?</i>				
Zuzenketa				
<i>13. Iruzurraren eragina ebaluatu eta sistemikotzat edo unean unekotzat jo duzue?</i>				
<i>14. Iruzurrak eragindako proiektuak edo horien zatiak kendu dituzue horiek Suspertze eta Erresilientziarako Mekanismoak (SEM) finantzatu dituenean edo finantzatu behar dituenean?</i>				



<i>Jazarpena</i>				
<i>15. Erakunde betearazleari, erakunde erabakitzaileari edo agintaritzaren arduradunari, dagokionaren arabera, garatutakoak eta hartutako neurriak jakinarazi dizkiozue?</i>				
<i>16. Hala dagokionean, herrialde bakoitzaren edo Europar Batasunaren Herri agintarien edo fiskaltza eta auzitegi eskudunen aurrean zigortzeko moduko egitateak salatu dituzue?</i>				
<i>Puntu guztizko partziala</i>				
<i>Puntu guztiak</i>				
<i>Gehieneko puntuak</i>				
<i>Puntu erlatiboak (puntu guztiak/gehieneko puntuak)</i>				

Oharra: 4 da betetze-maila gorena

III. ERANSKINA: INTERES-GATAZKARIK EZAREN

AITORPENA (IGEA EREDUA)

Goian aipatutako [kontratazio/dirulaguntzaren] prozeduran inpartzialtasuna bermatzeko, neuk, behean sinatzen dudanak, espedientea prestatzeko eta izapidetzeko prozesuan parte hartzen dudana aldetik, honako hau adierazten dut:

Lehenengoa. Honako informazio hauen berri dudala:

1. Europako Parlamentuaren eta Kontseiluaren uztailaren 18ko 2018/1046 (EB, Euratom) Erregelamenduaren (EBren finantza-erregelamendua) 61.3 artikulua («interes-gatazka») ezartzen du «interes-gatazka egongo dela funtzioen jardun inpartzial eta objektiboa arriskuan jartzen denean familia-arrazoiengatik, arrazoi afektiboengatik, kidetasun politiko edo nazionalagatik, interes ekonomikoagatik edo interes pertsonaleko zuzeneko edo zeharkako edozein arrazoiengatik».
2. Sektore Publikoko Kontratuei buruzko azaroaren 8ko 9/2017 Legearen 64. artikulua «Ustelkeriaren aurkako borroka eta interes-gatazken prebentzioa» helburua da lehia ez desitxuratzea, prozeduraren gardentasuna bermatzea eta hautagai eta lizitatuak guztiei tratu berdintasuna bermatzea.
3. Sektore Publikoaren Araubide Juridikoaren urriaren 1eko 40/2015 Legearen 23. artikulua «Parte ez hartzea» ezartzen duenez, prozeduran ez dute esku haratu behar «hurrengo paragrafoan adierazitako inguruabarretako batzuk betetzen dituzten administrazioetako agintariek eta langileek», hauek izanik:

- a) Interes pertsonala izatea aztertuko den gaian edo gai horretako ebazpenak eragin diezaiokkeen



beste batean; baltzu edo erakunde interesdunen bateko administratzaile izatea, edo interesdunen batekin ebatzi gabeko auziren bat izatea.

b) Ezkontza-lotura edo antzeko egitatezko egoera izatea, eta ahaidetasuna izatea, laugarren gradurainoko odolkidetasunezkoa edo bigarren gradurainoko ezkontza-ahaidetasunezkoa, interesdunetako edozeinekin, entitate edo sozietate interesdunen bateko administratzaileekin, bai eta prozeduran esku hartzen duten aholkulari, legezko ordezkari edo mandatariekin ere, edo haien bulego berekoa izatea edo haiekin elkartuta egotea aholkularitza, ordezkarietza edo mandataritzarako.

c) Aurreko paragrafoan aipaturiko lagunartekoren batekin adiskidetasun mina edo ikusiezin nabarmena izatea.

d) Dagokion prozeduran aditu edo lekuko gisa parte hartua izatea.

e) Zerbitzu-harremana izatea gaian zuzenean interesa duen pertsona fisiko edo juridikoarekin, edo azken bi urteetan hari edozein motatako zerbitzu profesionalak eman izana, edozein egoera edo tokitan».

Bigarrena. Ez nagoela EBren Finantza Araudiaren 61.3 artikuluan adierazitako interes-gatazkatzat jo daitekeen ezein egoeratan, eta ez nagoela lizitazio/emakida prozedurari eragin diezaiokeen Sektore Publikoaren Araubide Juridikoaren urriaren 1eko 40/2015 Legearen 23.2 artikuluko abstentzio-kausarik.

Hirugarrena. Konpromisoa hartzen dudala (*kontratazio-organoari/ebaluazio batzordeari*) jakinarazteko, luzamendurik gabe, interes-gatazkako edozein egoera edo abstentzio-kausa, egoera hori sortzen duena edo eragin dezakeena.

Laugarrena. Badakidala interes-gatazkarik ezaren adierazpena faltsua dela frogatzen bada, aplikatu beharreko araudiak ezartzen dituen diziplina-ondorioak, ondorio administratiboak eta judizialak ekarriko dituela.

Eta, horrela jasota gera dadin, adierazpen hau sinatzen dut.

BIGARRENA.- Erabaki hau Arabako Lurralde Historikoko Aldizkari Ofizialean eta Udaleko web-orrian argitaratzea, guztiok ezagutu dezaten.

6.- Hasieran onestea, bidezkoa bada, 2022 ekitaldirako udal-aurrekontu orokorra



Udalbatzari puntu honen gainean 2022ko apirilaren 8an Kontuen Informazio Batzorde Berezia eta Ogasuneko, Funtzio Publikoko eta Barne Araubideko Iraunkorrak emandako aldeko irizpenaren berri eman zaio.

Iratxe Parro Uzquiano zinegotzi andreak (AIARA BATUZ) hartu du hitza komentatzeko aurten lehenengoz ireki dela aurrekontua herritarrek parte hartu dezaten eta ekarpenak egiteko talde politikoentzako epe bera eman dela. Horregatik, eskatzen du hurrengo urteetarako herritarren ekarpenak taldeei **banatzeko**, aurrekontuak eztabaidatu baino lehen aztertze aldera.

Gentza Alamillo Udaeta alkate jaunak (EAJ-PNV) hartu du hitza erantzuteko. Beren asmoa da herritarren partaidetza-prozesua lantzea. Aurten lehen urratsa egin da, baina herritarrek parte hartzeko modu eta dokumentu desberdinak zehaztu nahi dira. Gainera, arlo edo proiektu batzuei lehenetsuna emango zaie... Helburua da 2023 urteari begira prozesu hori hobetzea.

Karmele Población Martínez zinegotzi andreak (EH BILDU) hartu du hitza bere harridura adierazteko. Oso ondo iruditu zaie aurrekontua herritarren partaidetzari irekitzea.

Eskuarki, aurreko urteetan bezala, aurrekontuetarako ez da negoziaketarik egon, Bilduk zenbait ekarpen egin baititu erkidego energetikoen eta zuhaitz autoktonoak landatzeko laguntzen esparruan, baina ez dira onartu, gaitzeko baliabiderik esleituta ez zegoelakoan. Beraz, argi dago aurrekontuen proiektua Eusko Alderdi Jeltzalearena dela.

Gentza Alamillo Udaeta alkate jaunak (EAJ-PNV) hartu du hitza erantzuteko. Noski, proiektua Eusko Alderdi Jeltzalearena da, hari baitagokio proiektua prestatzea. Aurreko urteetan bidaia-aliatuak izan dituzte, eta batzuetan bestelako taldeekin lankidetzan aritu dira. Beste batzuetan, berriz, ez.

Dena den, ezin daiteke esan gobernu-taldeak oposizioko taldeak kontuan hartu ez dituenik, egia ez baita. Aurten EH BILDUK ez du justifikatu proposatutako gastuak inplementatzeko baliabideak nondik atera eta horregatik ez zaie ekarpenei erreparatu. Izan ere, Informazio Batzordean azaldu eta erabaki zen zein formatutan aurkeztu behar ziren zuzenketak. Gainera, zuhaitz-espezie autoktonoak landatzeari buruzko ekarpenari eutsiz, Administrazio Batzarren eskumena da, beraien baso-planen bidez egiten dena.

Iratxe Parro Uzquiano zinegotzi andreak (AIARA BATUZ) hartu du hitza komentatzeko aurten bere taldea ez dela udal-aurrekontuen alde azalduko, gobernu-taldeak egindako apustuen alde egon eta zenbait zuzenketa beste batzuekiko zergatik ez diren onetsi adierazi arren, ikusi delako konpromisoa. Beti gelditzen da oin bat, Administrazio Batzarrei dagokiena, errenka.

Berriki, jakin izan dute Arabako Foru Aldundiak onetsi duen “Garabide” laguntza-programa argitaratu dela eta taldeen artean ez da komentatu programa horren kargura laguntzak eskatzeko aukera. Aldundiak herrietan obrak egiteko aukera eman du, eta gobernu-taldeak ez du pentsatu zerbait egin dezakeen. Hori gaizki iruditu zaie.

Gentza Alamillo Udaeta alkate jaunak (EAJ- PNV) hitza hartu du azaltzeko ez duela ulertzen zer lotura duen “Garabide” programak aurrekontuarekin. Bere esanetan, laguntza-ildo hori apirilaren 13ko ALHAOn argitaratu da, eta aurrekontuaren proiektuak dagoeneko batzordean irizpena emana zuen.



“Garabide” programaren barruan proiektuetarako laguntza eskatzeko arazorik ez dago, eta laguntzek finantzatzen ez duten zatiari dagokionez, aurrekontuan gaituko da diruzaintza-geldikinararen kargura, beti egiten den moduan. Ez dago arazorik aurrekontuan helburu horretarako partidarik ez agertzeagatik. Hortaz, ez dut ulertzen aurrekontuetan botoa aldatzeko arrazoia hori izatea.

Idazkari andreak hartu du hitza komentatu eta azaltzeko ez dagoela arazorik diruzaintza-geldikin eskuragarriaren zati bat erabili nahi bada. Edozein obra-mota egin nahi izanez gero, gaur egun nahikoa dago.

Iratxe Parro Uzquiano zinegotzi andreak (AIARA BATUZ) berriz hartu du hitza galdetzeko gobernu-taldeak Garabide programaren barruan obra edota inbertsioren bat gauzatzeko eskaera egitea aurreikusten duen.

Gentza Alamillo Udaeta alkate jaunak (EAJ- PNV) baietz erantzun du. Administrazio Batzar baten udal-lursaillean, gainerako Administrazio Batzarren artean mesfidantzarik eta desberdintasunik ez sortzeko.

Iratxe Parro Uzquiano zinegotzi andreak (AIARA BATUZ) komentatu du esaten ari denaren arabera, ez dela obrarik egingo Batzarren lursaillean. Batzarrekin aztertu beharko litzateke zer den garrantzitsua laguntzak eskatzeko.

Karmele Población Martínez zinegotzi andreak (EH BILDU) hartu du hitza azaltzeko ondo iruditzen zaiela aurreko urteetan aurrekontua AIARA BATUZ taldearekin onestea. Baina aurreko EH BILDUren proposamenak argiak eta errazak ziren eta, hala ere, ez dira onetsi, ez egiteko baliabideak esleitu gabe daudelako, hori arazo askorik gabe azter baitaiteke, baizik eta ez direlako onartu izan nahi.

Erkidego energetikoei buruzko mozioa aurkeztu zen eta ez da onetsi eta landaketa autoktonoetarako laguntzei ezetz esan zaie, beraz, egiaz, gobernu-taldeak ez zituen bere gain hartu nahi.

Horren inguruko beste adierazpenik egin ez denez, gaiari buruzko bozketa egin da eta hau izan da bozketaren emaitza:

ALDEKO BOTOAK: 7 (EAJ)

AURKAKO BOTOAK: 4 (3 EH BILDU + 1 AIARA BATUZ)

Hori dela bide, eta

IKUSI DA.- Kontuen Informazio Batzorde Bereziak eta Ogasuneko, Funtzio Publikoko eta Barne Araubideko Iraunkorrak 2022ko martxoaren 1ean egindako ezohiko bilkuran 2022 ekitaldirako udal-aurrekontuaren proiektua egitearen kontu eman zen. Bai diru-sarreretan, bai gastuetan 2.438.501,30 euro ziren. Udaleko talde politikoei epe bat eman zitzaien egokitzat joz gero, 2022rako aurrekontu-proiektuari zuzenketak egiteko, eskuratutako zuzenketa-ereduaren arabera.

IKUSI DA.- Emandako epean zuzenketak aurkeztu ziren eta azaldutako arrazoiak direla eta, gobernu-taldeak ez ditu onetsi, beraz, irizpena emateko aurkeztu zen behin betiko zirriborroa hasierakoaren berdina da.

IKUSI DA.- 2022ko apirilaren 8an Kontuen Batzorde Bereziak eta Ogasuneko, Funtzio Publikoko eta Barne Araubideko Iraunkorrek 2022rako aurrekontu-proiektuari emandako aldeko irizpena.

Udalbatza Osoak, gehiengo osoz, **ERABAKI DU:**

Lehenengoa.- Hasiara batean onestea 2022 ekitaldirako korporazio honen aurrekontu orokorra, 2.438.501,30 eurokoa, diru-sarreraren zein gastuen egoerari dagokiona. Hona hemen kapituluaren laburpena:

KAPITULUAK	DIRU-SARREREN HASIERAKO AURREIKUSPENAK KAPITULUKA	ZENBATEKOA €
	A) OHIKO ERAGIKETAK	2.438.501,30 €
1	ZERGA ZUZENAK	680.000,00 €
2	ZEHARKAKO ZERGAK	53.000,00 €
3	TASAK ETA BESTE DIRU-SARRERA BATZUK	252.942,98 €
4	TRANSFERENTZIA ARRUNTAK	1.447.665,43 €
5	ONDARE-SARRERAK	4.892,89 €
	B) KAPITAL-ERAGIKETAK	0,00 €
6	BENETAKO INBERTSIOAK ETA HIRIGINTZA-JARDUERETATIK ERATORRITAKO BESTELAKO DIRU-SARRERAK BESTERENTZEA	0,00 €
7	KAPITAL-TRANSFERENTZIAK	0,00 €
8	FINANTZA AKTIBOAK	0,00 €
9	FINANTZA PASIBOAK	0,00 €
	DIRU-SARREREN AURREKONTUA, GUZTIRA	2.438.501.30 €

KAPITULUK	GASTUEN HASIERAKO KREDITUAK KAPITULUKA	ZENBATEKOA €
	A) OHIKO ERAGIKETAK	2.272.831,86 €
1	LANGILEEN GASTUAK	743.957,98 €
2	ONDASUN ARRUNTEN ETA ZERBITZUEN EROSKETA	787268,6 €
3	FINANTZA-GASTUAK	2.000,00 €
4	TRANSFERENTZIA ARRUNTAK	734.105,28 €
5	KREDITU GLOBALA ETA BESTE USTEKABE BATZUK	5.500,00 €



	B) <u>KAPITAL-ERAGIKETAK</u>	165.669,44 €
6	INBERTSIO ERREALAK	95.669,44 €
7	KAPITAL-TRANSFERENTZIAK	70.000 €
8	FINANTZA AKTIBOAK	0,00 €
9	FINANTZA PASIBOAK	0,00 €
	GASTUEN AURREKONTUA, GUZTIRA	2.438.501,30 €

Bigarrena.- Ezestea EH BILDU udal-taldeak eta AIARA BATUZ udal-taldeak aurkeztutako zuzenketak.

Hirugarrena.- Onestea aurrekontuaren espedientean dagoen Aurrekontua Gauzatzeko Udal Araua.

Laugarrena.- Onestea aipatu espedientean jasota dagoen aurrekontuaren lanpostuen zerrenda eta 1., 2., 3. eta 4. eranskinak.

Bosgarrena.- Onestea 2022ko dirulaguntzen plan estrategikoa.

Seigarrena.- Espediente hori hamabost egun baliodunez jendaurrean ikusgai jartzea, erreklamazioak aurkez daitezzen, 3/2004 Foru Arauaren 15. artikuluan ezarritako moduan eta epeetan.

Zazpigarrena.- Aurrekontua behin betiko onetsizat joko da, aipatu epean horren kontrako erreklamaziorik aurkezten ez bada. Kontrako kasuan, Udalbatzak hilabeteko epea izango du erreklamazioak ebazteko.

Zortzigarrena.- Behin betiko onesten den aurrekontua 3/2004 Foru Arauaren 15. artikuluko 3. aatalean aipatutako moduan argitaratuko da.

Bederatzigarrena.- Behin betiko erabakiarekin batera, erakunde honen lanpostuen zerrenda argitaratzea, Euskal Funtzio Publikoari buruzko 6/1989 Legearen 16. artikuluan xedatutakoarekin bat etorritik.

Hamargarrena.- Aldi berean, espedientearen kopia bana igortzea Arabako Foru Aldundiari eta Arabako Ekonomia eta Ogasun Ordezkaritzari.

7.- Alkatetzaren Dekretuen kontu ematea

Jarraian, Udalbatzari jakinarazi zaizkio 2022/163 eta 2022/230 bitarteko Alkatetza Dekretuak, bi horiek barne. Horien guztien edukia, laburki, honako hau da:

ALKATETZA DEKRETUA -2022/163.- Kreditu-gerakina eransteko 1/2022 zenbakiko espedientea onestea.

ALKATETZA DEKRETUA - 2022/164.- MB.S.Y.- Llanteno Garabilla auzoko etxebizitzan obretarako udal-lizentzia ematea eta birgaitze-obra hasteko baimena emate aldera dokumentazioa eskatzea.

ALKATETZA DEKRETUA - 2022/165.-MB.S.Y.- Llanteno Garabilla auzoan etxebizitza birgaitzeko obrarako hondakinen kudeaketaren fidantza eskatzea.



ALKATETZA DEKRETUA - 2022/166.- Alkateak kreditua gaitzeko 1/2022 zenbakiko espediente onestea.

ALKATETZA DEKRETUA - 2022/167.- A.M.O.- Llantenoko etxebizitzan estalkia birgaitzeko obretarako udal-lizentzia ematea.

ALKATETZA DEKRETUA - 2022/168.- P.V.V.- Olabezarko finkan hesia jartzeko obra-lizentzia emate aldera dokumentazioa eskatzea.

ALKATETZA DEKRETUA - 2022/169.- JA.A.U.- Etxegoien finkak bereizi eta batzeko lizentzia emate aldera dokumentazioa eskatzea.

ALKATETZA DEKRETUA - 2022/170.- Zuatza Administrazio Batzarra.- Bereizte-lizentzia emateko dokumentazioa eskatzea.

ALKATETZA DEKRETUA - 2022/171.- MP.U.I.- Zuatza etxebizitzan forjatua eta estalkia birgaitzeko obra-lizentzia emate aldera dokumentazioa eskatzea.

ALKATETZA DEKRETUA - 2022/172.- Cobelcobel SL- Menagaraiko eraikinean estalkiko teilak jartzeko, fatxada margotzeko eta leihoak ordeztzeko obra-lizentzia ematea.

ALKATETZA DEKRETUA - 2022/173.- 2022/163 A/Da transkribatzean izandako akatsa zuzentzea.

ALKATETZA DEKRETUA - 2022/174.- Elkarkidetza Pentsioak. Faktura-2022ko otsaileko likidazioa.

ALKATETZA DEKRETUA - 2022/175.- Elkarkidetza Pentsioak. Faktura-2022ko martxoko likidazioa.

ALKATETZA DEKRETUA - 2022/176.- J.I.M.- Izoriako Ibarra auzoko 28. zenbakian etxebizitzaren eraberritze-obrarako hondakinen kudeaketaren fidantza eskatzea.

ALKATETZA DEKRETUA - 2022/177.- N.L.E.- Izorian lanabesetarako etxolaren eraikuntza-obrarako hondakinen kudeaketaren fidantza eskatzea.

ALKATETZA DEKRETUA - 2022/178.- M.A.V.A.- Menoioko eraikinean instalazio fotovoltaikorako obren udal-lizentzia ematea.

ALKATETZA DEKRETUA - 2022/179.- Alday Ongitza Fundazioa.- Arespalditzan hirugarren adinekoentzako egoitzaren handitze-obrarako hondakinen kudeaketaren fidantza eskatzea.

ALKATETZA DEKRETUA - 2022/180.- Aldamoli SC- Eskatutako obra-lizentzia izapidetzeko dokumentazio osagarria eskatzea.

ALKATETZA DEKRETUA - 2022/181.- Aiarako Kuadrilla.- Izorian konpostatze-eremua eraikitzeko obra-lizentzia ematea.

ALKATETZA DEKRETUA - 2022/182.- J.L.A. eta P.J.I.I.- Finkak bereizi eta elkartzeko lizentzia izapidetzeko dokumentazio osagarria eskatzea.

ALKATETZA DEKRETUA - 2022/183.- J.P.A.- Costeran baserria konpontzeko obrarako udal-lizentziaren eskaera izapidetze aldera dokumentazio osagarria eskatzea.

ALKATETZA DEKRETUA - 2022/184.-L.A.V.- Zuatza etxebizitzaren handitze-obretarako udal-lizentzia ematea eta hasteko baimena emate aldera dokumentazioa eskatzea.

ALKATETZA DEKRETUA - 2022/176.- L.A.V.- Zuatza etxebizitzaren handitze-obrarako hondakinen kudeaketaren fidantza eskatzea.



ALKATETZA DEKRETUA - 2022/186.- Luiaondoko Administrazio Batzarra.- Jardueraren aurretiazko jakinarazpena onesteko dokumentazioa eskatzea.

ALKATETZA DEKRETUA - 2022/187.- Llantenoko AB.- Lankidetzazko hitzarmenaren bidez emandako dirulaguntza ordaintzea, 2021.

ALKATETZA DEKRETUA - 2022/188.- Menagara-Beotegiko AB.- Mendieta auzoko (Menagarai) J.M.U.ren etxebizitzan egindako obraren proiektu teknikoaren kontsulta eta kopia.

ALKATETZA DEKRETUA - 2022/189.- F/2022/2 faktura erregistratuen zerrenda onestea.

ALKATETZA DEKRETUA - 2022/190.- Udaletxeko bulegoen birbanaketa-obra direla eta GSTIONA KUDEAKETA enpresari faktura ordaintzea.

ALKATETZA DEKRETUA - 2022/191.- JM.B.O.- Izorian baserria birgaitzeko obretarako udal-lizentzia eskatzeari buruz Arabako Foru Aldundiko Ondare Historiko-arkitektonikoaren Zerbitzuaren txostena helaraztea.

ALKATETZA DEKRETUA - 2022/192.- Aurkeztutako eskaintzen irekiera etetea.

ALKATETZA DEKRETUA - 2022/193.- Alday Ongintzazko Fundazioa.- Arespalditzako egoitzaren handitze-obra hasteko baimena ematea.

ALKATETZAREN DEKRETUA - 2022/194.-JM.V.U.- Arespalditzako etxebizitzan estalkia ordeztzeko obretarako udal-lizentzia emate aldera hondakinen kudeaketaren fidantza eskatzea.

ALKATETZA DEKRETUA - 2022/195.- Los Arcos de Quejana SL- Kexaako partzelan zolata eraikitzeke obretarako udal-lizentzia emate aldera dokumentazio osagarria eskatzea.

ALKATETZA DEKRETUA - 2022/196.- N.L.E.- Izorian lanabesetarako etxola eraikitzeke obretarako udal-lizentzia ematea.

ALKATETZA DEKRETUA - 2022/197.- Zuatzako Administrazio Batzarra.- Zuatzen hirigunea egokitzeko obretarako udal-lizentzia emate aldera dokumentazio osagarria eskatzea.

ALKATETZA DEKRETUA - 2022/198.- A.I.G.- Llantenoko Retesko etxebizitzan estalkia birgaitzeko obraren hondakinen kudeaketaren fidantza itzultze aldera dokumentazio osagarria eskatzea.

ALKATETZA DEKRETUA - 2022/199.- P.J.I.I.- Arma-txartela ematea.

ALKATETZA DEKRETUA - 2022/200.- KORRIKA 2022 dirulaguntza eskatzea- AEK

ALKATETZA DEKRETUA - 2022/201.- Alkatetzak kreditua gehitzeko 2/2022 zenbakiko espedientea onestea.

ALKATETZA DEKRETUA - 2022/202.- 2022 urtean kulturaren, kirolaren eta gizartearen eremuan dirulaguntzetarako deialdia eta oinarri arauemaileak onestea.

ALKATETZA DEKRETUA - 2022/203.- FJ.O.B.- Murgako etxebizitzan obrak legeztatzeke dokumentazioa eskatzea.

ALKATETZA DEKRETUA - 2022/204 – Zuatza, Menagarai, Costera eta Ozekako Kontzejuetan 2022ko Itzulirako bideak konpontzea - Excavaciones Campo

ALKATETZA DEKRETUA - 2022/205.- Alkatearen eta langile funtzionarioen nominen ordainsari likidoa onestea, 2022ko martxoa.

ALKATETZA DEKRETUA - 2022/206.- Kontratatutako langileen nominen ordainketa onestea, ESEP 2021/22.



ALKATETZA DEKRETUA – 2022/207.- Udalbatzako kideentzako ekarpen ekonomikoa onestea, 2022ko martxoa.

ALKATETZA DEKRETUA - 2022/208.- Udaleko alderdi politikoentzako ekarpen ekonomikoa, 2022ko martxoa.

ALKATETZA DEKRETUA - 2022/209.- JM.V.U.- Arespalditzan etxebizitzako estalkia ordeztzeko obra-lizentzia ematea.

ALKATETZA DEKRETUA - 2022/210.- MV.A.U.- Menagarain etxebizitza egokitzeko obretarako udal-lizentzia ematea.

ALKATETZA DEKRETUA - 2022/211. Gizarte Segurantzako D.O.- 2022ko otsaileko kotizazioa ordaintzea.

ALKATETZA DEKRETUA - 2022/212.- J.T.U.U.- Olabazarren Aiarako 4 industrialdeko 460 partzelaren jabeari partzelan instalatutako elementuak ken ditzala agintzea.

ALKATETZA DEKRETUA - 2022/213.- FJ.A.G.- Luiaondon etxebizitzako fatxadan linea elektrikoa aldatzeko obrarako obra txikiaren lizentzia ematea.

ALKATETZA DEKRETUA - 2022/214.- Alday fundazioa. EALZa kudeatzeagatiko gastuak ordaintzea, 2022ko otsaila.

ALKATETZA DEKRETUA - 2022/215.- Leziaga 1995 Construcciones SL.- “Luiaondon botikinerako etxolaren birgaikuntza” obretarako osatutako banku-bermea itzultzea.

ALKATETZA DEKRETUA - 2022/216.- Leziaga 1995 Construcciones SL.- “Etxaurren ikastolan konponketa eta aldaketa” obretarako osatutako banku-bermea itzultzea.

ALKATETZA DEKRETUA - 2022/217.- J.M.O.U.- Aparkatzeko txartela ematea.

ALKATETZA DEKRETUA - 2022/218.- Aiaraldeko Euskalgintza Kontseilua. 2022ko lankidetzeta-hitzarmenean emandako dirulaguntza ordaintzea.

ALKATETZA DEKRETUA - 2022/219.- Amor Misericordioso Menagarai ikastetxea. 2022 ekitaldian emandako dirulaguntzaren % 80 ordaintzea.

ALKATETZA DEKRETUA - 2022/220.- Errepide nagusietarako lotuneak eta bideak mekanikoki garbitzeko zerbitzuaren kontratazio-espeditentea onestea.

ALKATETZA DEKRETUA - 2022/221.- Aldamoli SC- Murgan abeltzaintzako pabiloiko estalkian instalazio fotovoltaikorako obra-lizentzia ematea.

ALKATETZA DEKRETUA - 2022/222.- I.M.P.- Menagarain etxebizitza horizontalean banatzeko lizentzia ematea.

ALKATETZA DEKRETUA - 2022/223.- MB.A.A.- Aparkatzeko txartela baliogabetzea.

ALKATETZA DEKRETUA - 2022/224.- AIARALDEA KOOPERATIBA ELKARTEA.- "Aiarako Jolas Txokoak" udalekuen zerbitzuari buruzko kontratua adjudikatzea.

ALKATETZA DEKRETUA - 2022/225.- MC.F.G.- Aparkatzeko txartela ematea.

ALKATETZA DEKRETUA – 2022/226.-LB.R.I.- Luiaondoko etxebizitzan leihoak aldatzeko obra-lizentzia ematea.

ALKATETZA DEKRETUA - 2022/227.- J.I.M.- Izorian baserria eraberritzeko obra-lizentzia ematea.

ALKATETZA DEKRETUA - 2022/228.- Udan Aiarako udal-igerilekuak eta beren instalazioak kudeatu eta mantentzeko zerbitzuaren kontratazio-espeditentea onestea.



ALKATETZA DEKRETUA - 2022/229.- F.A.M.- Aparkatzeko txartela ematea.

ALKATETZA DEKRETUA - 2022/230.- Explotación agrícola y ganadera Urruela SC- Nekazaritzako eta abeltzaintzako ekoizpen-kooperatiba onesteko dokumentazio osagarria eskatzea.

Ez da ezer esan horren inguruan, eta Udalbatza Osoa jakitun geratu da.

Ondoren, alkate jaunak Udalbatzari berri eman dio, presa dela eta, proposamen bat egiten diola Osoko Bilkurari. Udalbatzako gainerako kideei aurrekontuaren likidazioa jakinarazi nahi die, akatsez deialdi honekin batera bidali den gaien zerrendan ez azaldu arren, Tokiko Erakundeen Antolamendu, Funtzionamendu eta Araubide Juridikoari buruzko azaroaren 28ko 2568/1986 Errege Dekretuaren 91.4 artikulua xedatutakoaren arabera.

Gaia eztabaidatzeko presaren eta osoko bilkura honetan bozkatzearen helburua da izapidea ahalik eta azkarren osatzea eta espediente lasterren Arabako Foru Aldundiari bidaltzea.

Gentza Alamillo Udaeta alkate jaunak (EAJ-PNV) gaia gaien zerrendan sartzeko presa justifikatu du, lehen azaldu diren arrazoietan funtsatuta.

Udalbatzak, lehenik eta behin, gaia eztabaidatzea bidezkoa den azaldu du. Aho batez onetsi da osoko bilkura honetan eztabaidatzea eta, beraz, honako puntu hau sartu da:

8.- 2021eko udal-aurrekontuaren likidazioaren berri ematea

Inork ez du ezer esan gaiari buruz.

Ondoren, Udalbatzari berri eman zaio 2022ko martxoaren 10eko 2022/162 Alkatetzaren Dekretuaren bitartez 2021 ekitaldiko Udalbatzaren aurrekontuaren likidazioa onetsi dela. Hala, hona hemen dekretu horren testua:

2022/162 ALKATE DEKRETUA

Aztertu dira 2021 ekitaldiko erakunde honen aurrekontuaren likidazioa osatzen duten dokumentuak, Arabako Lurralde Historikoko Tokiko Erakundeen Aurrekontuari buruzko otsailaren 9ko 3/2004 foru Arauaren 47. artikulua xedatutakoarekin bat etorritik. Ikusi da kontu-hartzaitza organoak egindako txostena, foru arau bereko 49.3 artikuluan xedatutakoaren arabera.

*Alkate-udalburuak hau **EBAZTEN DU**:*

Lehenengoa. - *Onestea 2021 urteko Udalbatzako udal-aurrekontuaren likidazioa, honako laburpen honi jarraikiz:*



2020 EKITALDIKO AURREKONTUAREN EMAITZA

Euroak

(+) Likidatutako eskubide garbiak	2.504.132,92
(-) Aitortutako betebeharrak ordaintzeke	2.280.116,07
(=) OHIKO AURREKONTUAREN EMAITZA GORDINA	224.016,85
(+) Diruzaintza-geldikinarekin finantzatutako gastuak	249.850,22
(-) 21ean gehiegizko finantzaketaren batura	43.358,12
(+) 21eko finantzaketa-akatsen batura	9.899,84
(+) 20an gehiegizko finantzaketaren batura	149.258,12
(-) 20ko finantzaketa-akatsen batura	0,00
(=) OHIKO AURREKONTUAREN EMAITZA DOITUA	589.667,21

Era berean, aurrekontu itxien aurrekontu-emaitezaren estimazioa honako moduan egin da:

(+) Baliogabetu diren betebeharrak ordaintzeke	31.133,97
(-) Baliogabetu diren eskubideak kobratzeke	11.389,18
(=) AURREKONTU ITXIEN EMAITZA	19.744,79

Laburbilduz, ekitaldiko aurrekontuaren emaitza biak batuta lortzen da:

	<u>Euroak</u>
(+) OHIKO AURREKONTUAREN EMAITZA DOITUA.....	589.667,21
(+) AURREKONTU ITXIEN EMAITZA	19.744,79
(=) 2021 EKITALDIKO AURREKONTUAREN EMAITZA.....	609.412,00

Bestalde, diruzaintza-geldikina dugu. Kudeaketa-aldagaitzat jotzen da, eta ekitaldiko aurrekontuaren likidazioa gauzatzean finantzaketa-gaitasuna edo -beharra azaltzen du. Honako formula hau erabilia lortzen da:

	<u>Euroak</u>
(+) Diruzaintzan izakinak dirutan	1.096.483,87
Guztira, eskubideak kobratzeke	575.505,77
(+) Ohiko aurrekontutik eskubideak kobratzeke	253.604,85
(+) Aurrekontu itxietatik eskubideak kobratzeke	321.047,27
(+) Aurrekontuaz kanpo eskubideak kobratzeke	949,18
(-) Egingako kobrantzak behin betiko aplikatzeko	95,53
Guztira, betebeharrak ordaintzeke	495.336,56
(-) Ohiko aurrekontutik betebeharrak ordaintzeke	258.317,84
(-) Aurrekontu itxietatik betebeharrak ordaintzeke	0,00
(-) Aurrekontuaz kanpo betebeharrak ordaintzeke	237.018,72
(=) DIRUZAINZA-GELDIKIN GORDINA	1.176.653,08
(-) Kobratzeko zailak edo zalantzarazkoak diren eskubideak	407.512,00



(=) DIRUZAINITZA-GELDIKIN LIKIDOA	769.141,08
(-) DIRUZAINITZA-GELDIKINA FINANTZAKETA LOTUKO GASTUETARAKO	43.358,12
<u>(=) DIRUZAINITZA-GELDIKINA GASTU OROKORRETARAKO</u>	<u>725.782,96</u>

Bigarrena. - Udalbatza Osoari jakinaraztea, abenduaren 9ko 641/2020 Foruko Gobernu Kontseiluaren erabakiaren bitartez, ezohiz eta beren-beregi 2020rako eta 2021erako, Arabako tokiko erakundeen zerga-arauen aplikazioa eten zela. Horrenbestez, ondorerik gabe utzi diren urte horietan egonkortasunaren eta zor publikoaren helburuak eta gastuaren araua ez zitzaien aplikatu. Dena den, gutxi gorabehera eta informazioa eskuratzeko besterik gabe, 2021 ekitaldiko egonkortasuna eta gastuaren araua kalkulatu dira, eta emaitza izan da zerga-arauak aplikatuz gero, Aiarako Udalak egonkortasunaren helburua beteko zuela, ez, ordea, gastuaren araua, aplikazioko finantza iraunkortasunari eta egonkortasunari buruzko legediaren arabera.

Hirugarrena. - Onetsitako likidazioaren kopia bat hilabeteko epean Arabako Foru Aldundiari eta Ekonomia eta Ogasun Ministerioari bidaltzea.”

Ez da ezer esan horren inguruan, eta Udalbatza Osoa jakitun geratu da.

9.- Eskaerak eta galderak

• Iratxe Parro Uzquiano zinegotzi andreak (AIARA BATUZ) hartu du hitza. Bere esanetan, elkarteen dirulaguntzak aztergai izan zituen Kultura Batzordearen grabaketa entzun du eta pasa den osoko bilkuraren aktari jarraikiz, agian, gertatutakoaz nik egindako interpretazioa okerra zen. Hala eta guztiz ere, grabaketa entzun ondoren, ez nuen gaizki interpretatu. Dirudienez, dirulaguntzekin arazoak daude, elkarreek iruzur egiten dutelako.

Montse Angulo Solloa zinegotzi andreak (EAJ-PNV) hartu du hitza komentatzeko iruzurrak egon zitezkeela eta Iratxe Parro zinegotzi andreak atera zuela argazki-albumen gaia.

Iratxe Parro Uzquiano zinegotzi andreak (AIARA BATUZ) hartu du hitza komentatzeko ondorio batera iritsi zela, hain zuzen ere, elkarteen asmoa zela iruzur egitea eta kontrolatzeko neurriak hartu behar zirela.

Gentza Alamillo Udaeta alkate jaunak (EAJ-PNV) hartu du hitza komentatzeko argi gelditu zela gaia. Ez zegoen arazo handirik eta hori ez zen ohiko jardunbidea. Kasuren bat antzeman zen, eta diru publikoa kudeatzen ari zenez, neurriak hartu behar ziren justifikazioak ahalik eta zorrotzenak izateko.

Hala ere, kontu handia izango da gauzak azaltzeko orduan, gaizki-ulerturik ez dadin gertatu.

Iratxe Parro Uzquiano zinegotzi andreak (AIARA BATUZ) berriz hartu du hitza eranste



batzordetik irten zenean, sentipen mingotsarekin atera zela. Dena den, kulturako teknikariarekin komentatu nuenean, dagoeneko esan ninduen hori ez zela errealitatea. Horregatik komentatu nuen pasa den hileko osoko bilkuran. Idatziz jasoa gelditzeko egiazkoa ez zen zerbait esan zela.

Montse Angulo Solloa zinegotzi andreak (EAJ-PNV) hartu du hitza komentatzeko batzordean gaiari buruz hitz egin zela eta gaizki interpretatu den zerbait esan bada, ez dela nahita egin.

Gentza Alamillo Udaeta alkate jaunak (EAJ-PNV) hartu du hitza esateko aditzera eman zena, hain zuzen ere arazo puntual bat antzeman zela. Hala, bitartekoak jartzen saiatuko dira berriz ere ez gertatzeko. Inor ez zen batzorde horretan pentsatzen ari elkartearen arazo orokortua zenik.

Iratxe Parro Uzquiano zinegotzi andreak (AIARA BATUZ) hartu du hitza komentatzeko elkarteentzako dirulaguntzen oinarriak onetsi direnean, eskatzen zaiela dirulaguntza jasotzen duten luchak osasungarriak izateko eta, adibidez, dirulaguntza edari alkoholdunetan ez erabiltzeko. Hau irizpidea bada, Udalak bete beharko luke ekitaldiak antolatzen dituenean, jaietan adinekoei eman zaien lunch-ak ez baitu eskakizun hori bete.

Gentza Alamillo Udaeta alkate jaunak (EAJ-PNV) erantzun du jaietan antolatu zen luncha tradizioz adinekoentzako bazkariaren ordezkari gisa egin zela.

Montse Angulo Solloa zinegotzi andreak (EAJ-PNV) hartu du hitza komentatzeko Udalak bestelako jarduerekin lotuta beste lunch batzuk antolatu dituela, adibidez, Aiarako Biran eta ez dela alkoholik izan. Jaietako luncha bazkariaren ordezkaria zen.

Iratxe Parro Uzquiano zinegotzi andreak (AIARA BATUZ) komentatu du Udala osasungarriaren aldeko apustua egiten ari bada, oro har, ezingo lituzkeela nahi duenean bere arauak urratu.

- Karmele Población Martínez zinegotzi andreak (EH BILDU) hartu du hitza 24. Elkartearen hitzarmenari buruz galdetzeko, informazio-batzordean mahaiaren gainean utzi baitzen.

Gentza Alamillo Udaeta alkate jaunak (EAJ-PNV) erantzun du erabaki beharko dela aurrekontu-partida gehitzen den 6.000 euroko hitzarmen hori onesteko, partida txikiagoa baita. Hurrengo Kultura Batzordean hitz egingo da, baina landu beharko da elkarte bakoitzak diru gehiago eskatzen badu, aztertu beharko dela.

Karmele Población Martínez zinegotzi andreak (EH BILDU) berriz hartu du hitza azaltzeko 24. Elkartearen urte hauetan guztietan euskararen alde lanean egon dela eta aurten Euskararen Arloan gauza gutxi egin direla kontuan hartuta, komenigarria litzatekeela eskatutakoa ematea.

Gentza Alamillo Udaeta alkate jaunak (EAJ-PNV) komentatu du ez duela elkartearen jarduketara zalantza jartzen. Besterik gabe beste elkarte batzuek ere behar ekonomikoak dituztela azaldu nahi du.

- Karmele Población Martínez zinegotzi andreak (EH BILDU) Kuadrillako euskara-teknikariari buruz galdetu du.

Gentza Alamillo Udaeta alkate jaunak (EAJ-PNV) erantzun du dagoeneko pertsona bat



hautatu dela (elkarrizketara aurkeztu ziren bietatik) eta egun gutxi batzuk barru lanean hasiko dela.

- Karmele Población Martínez zinegotzi andreak (EH BILDU) galdetu du Kili Kili elkarteak aurrekontuari egindako ekarpenekin zer egingo den.

Gentza Alamillo Udaeta alkate jaunak (EAJ- PNV) erantzun du **erantzungo** zaiola eta Administrazio Batzarraren eskumenekoa dena Batzarrari berari helaraziko zaiola.

- Karmele Población Martínez zinegotzi andreak (EH BILDU) komentatu du bide osasungarriari buruzko proiektu bat dagoela eta ez dakitela zertan datzan eta zer elkartuko den.

Gentza Alamillo Udaeta alkate jaunak (EAJ-PNV) erantzun du gida bat eginda zegoela eta bi ibilbideri eman dietela lehentasuna.

Karmele Población Martínez zinegotzi andreak (EH BILDU) galdetu du identifikatu den.

Gentza Alamillo Udaeta alkate jaunak (EAJ- PNV) baietz erantzun du.

- Karmele Población Martínez zinegotzi andreak (EH BILDU) eskatu du bi hizkuntzatan mozioak aurkezten dituztenean, uanean bertan aurkeztutako moduan txertatzeko, hau da, bi hizkuntzatan, akta gaztelaniaz idatzita egon arren.

Idazkari andreak hartu du hitza erantzuteko bi hizkuntzatan kopiautuko dela, aurkeztutako moduan alegia.

- Koldo Mendioroz Goldaraz zinegotzi jaunak (EH BILDU) hartu du hitza jakindakoa komentatzeko. Inguruko alkateak Laudioko hiltegiako kudeatzaile ohiekin elkartu dira, Gueñesen beste hiltegi bat irekitzearen inguruan hitz egiteko.

Gentza Alamillo Udaeta alkate jaunak (EAJ-PNV) erantzun du Gueñesen hiltegi bat jartzeko proiektuan lanean ari ziren pertsonak bilera bat eskatu zutela, baina oso orokorra izan zela. Oraindik proiektu guztia zehazteke dago, eta kokalekua ere definitu behar da. Ez da ezer gehiago jakin, asmo hori zutela bakarrik. Oraindik gauza zehatzik ez dagoenez, ez da jakinarazi.

Koldo Mendioroz Goldaraz zinegotzi jaunak (EH BILDU) komentatu du eskertuko luketela gaiari buruzko informazio berria dutenean berri ematea, jakinaren gainean gelditzeko.

Karmele Población Martínez zinegotzi andreak (EH BILDU) galdetu du plataformako ordezkariak Kuadrillarekin izandako harremanari buruz.

Gentza Alamillo Udaeta alkate jaunak (EAJ-PNV) erantzun du hiltegiaren zerbitzua ez dagoela mankomunatua. Zerbitzuaren titularra Laudioko Udala da, eta ixteko erabakia hartu du. Hori jakinarazi zitzaien plataformako ordezkari.



Jorrazeko beste aztergairik ez dagoenez, alkate-udalburuak bilera bukatutzat eman du iluntzeko zortziak eta sei minutu direnean, eta aztertutako guztia eta hartutako erabakiak jasota gera daitezen, akta hau egin dut eta neuk, idazkariak, egiaztatzen dut, Arespalditzan, bi mila eta hogeita biko apirilaren hogeita bostean.

O.E.

ALKATE-UDALBURUA

Stua.: Gentza Alamillo Udaeta

IDAZKARIA

Stua.: Naiara Lazpita Marcos